

四庫全書

史部

欽定四庫全書

資治通鑑卷二百二十四 宋 司馬光 撰

胡三省 音註

唐紀四十

起海蒙大荒落閏月盡昭陽赤奮若凡八年有奇

代宗睿文孝武皇帝中之上

永泰元年閏十月乙巳郭子儀入朝子儀以靈武初復

僕固懷恩死
始復靈武

百姓彫弊戎落未安請以朔方軍糧使三

原路嗣恭鎮之

軍糧使即
糧料使

河西節度使楊志烈既死

楊志

烈死見上卷
廣德二年 請遣使巡撫河西及置涼甘肅瓜沙等州

長史上皆從之 丁未百官請納職田充軍糧

唐制一
品職分

田十二頃二品十頃三品九頃四品七頃五品六頃六
品四頃七品三頃五品八品二頃五品九品二頃
皆給百里內之地諸州都督都護親王府官二品十二
頃三品十頃四品八頃五品七頃六品五頃七品四頃
八品三頃九品二頃五品十品一頃五品五品五
頃六品三頃五品二頃七品三頃八品二頃九品一頃五
十畝三衛中郎將上府折衝都尉六頃中府五頃五十
畝下府及郎將五頃上府果毅都尉四頃中府三頃五十
十畝下府三頃上府長史別將三頃中府下府二頃五十
十畝親王府典軍五頃五十畝副典軍四頃十牛備身
左右太子千牛備身三頃折衝上府兵曹二頃中府下
府一頃五十畝外列軍校尉一頃二十畝旅帥一頃隊

正副八十畝親王以下又有永業田百頃職事官一品
六十頃郡王職事官從一品五十頃國公職事官從二
品三十五頃郡公職事官從三品二十五頃縣公職事
官從三品二十頃侯職事官從四品十二頃子職事官
從五品八頃男職事官從五品五頃六品七品二頃五
十八畝八品九品二頃上柱國三十頃柱國二十五頃
上護軍二十頃護軍十五頃上輕車都尉十頃輕車都
尉七頃上騎都尉六頃騎都尉四頃驍騎飛騎尉八十
畝雲騎武騎尉六十畝散
官五品以上給同職事官許之 戊申以戶部侍郎路嗣

恭為朔方節度使

嗣祥史翻
使疎吏翻

嗣恭披荊棘立軍府威令

大行 已酉郭子儀還河中

子儀自朝京師還鎮河
中還從宣翻又音如字

初劍南節度使嚴武奏將軍崔旰為利州刺史時蜀中

新亂山賊塞路

塞昔則翻

肝討平之及武再鎮劍南賂山南

西道節度使張獻誠以求

肝利州古直侯邑秦漢為葭萌之地蜀漢為漢壽縣晉

為晉壽梁為黎州尋又改利州天寶為益昌郡乾元復為利州山南西道巡屬也肝古旦翻

獻誠使

肝移疾自解詣武武以為漢州刺史使將兵擊吐蕃於

西山連拔其數城攘地數百里

漢州漢雄縣什方綿竹地唐無拱立漢州天寶

為德陽郡乾元復為州

武作七寶輦迎肝入成都以寵之武薨

見上

卷四

行軍司馬杜濟知軍府事都知兵馬使郭英幹英

父之弟也與都虞侯郭嘉琳共請英父為節度使肝時

為西山都知兵馬使與所部共請大將王崇俊為節度使會朝廷已除英又英又由是銜之至成都數日即誣崇俊以罪而誅之召旰還成都旰辭以備吐蕃未可歸英又愈怒絕其餽餉以困之旰轉徙入深山英又自將兵攻之聲言助旰拒守會大雪山谷深數尺深式禁翻士馬

凍死者甚衆旰出兵擊之英又大敗收餘兵纔及千人

而還

還從宣翻又音如字

英又為政嚴暴驕奢不恤士卒衆心離

怨玄宗之離蜀也

之離力智翻肅宗至德元載玄宗離成都

以所居行宮為

道士觀

玩觀古

仍鑄金為真容英又愛其行樹茂美奏為

軍營因徙去真容自居之盱宣言英又反不然何以徙

真容自居其處於是帥所部五千餘人襲成都辛巳戰

于城西英又大敗盱遂入成都屠英人家英又單騎奔

簡州

宋白曰簡州漢牛鞞縣地隋仁壽三年分益州之陽安平泉資州之資陽置簡州州有賴簡池因名

普州刺史韓澄殺英又送首於盱邛州牙將栢茂琳瀘

州牙將楊子琳劍州牙將李昌巖

宋白曰邛州漢臨邛縣梁武陵王紀置邛

州取南界邛來山為名瀘州漢江陽縣梁置瀘州取瀘水為名劍州漢廣漢之梓潼縣梁置安州西魏為始州

唐先天二年改為劍州取劍閣為名巖奴各舉兵討肝
刀翻考異曰唐歷作李昌夔今從實錄

蜀中大亂肝衛州人也 華原令顧繇上言元載子伯

和等招權受賄十二月戊戌繇坐流錦州

宋白曰唐武
拱二年分辰

州麻陽縣地并開山洞置錦州
舊志錦州至京師三十五百里

自安史之亂國子監

室堂頽壞軍士多借居之祭酒蕭昕上言學校不可遂
廢

大歷元年

是年十一月方改元

春正月乙酉勅復補國子學生

丙戌以戶部尚書劉晏為都畿河南淮南江南湖南荆

南山南東道轉運常平鑄錢鹽鐵等使侍郎第五琦為京畿關內河東劍南山南西道轉運等使分理天下財

賦

周智光至華州

周智光還華州見上卷上年

益驕橫

橫戶孟翻名之

不至上命杜冕從張獻誠於山南以避之智光遣兵於商山邀之不獲智光自知罪重乃聚亡命無賴子弟衆至數萬縱其剽掠以悅其心

剽匹妙翻

擅留關中所漕米二

萬斛藩鎮貢獻往往殺其使者而奪之 二月丁亥朔

釋奠於國子監

唐制中春中秋釋奠于文宣王皆以上丁戌以祭酒司業博士三獻命宰

相帥常參官

常參官常朝日常赴朝參者也唐制文官五品以上及兩省供奉官監察御史員外

郎太常博士日參號常參官武官三品以上三日一朝號六參

官弘文宗文館國子監學生四時參凡諸王入朝及以

恩追至者日參其文武官職事九品以上及二王後則

率下同相息亮翻魚朝恩帥六軍諸將往聽講

朝直

將即子弟皆服朱紫為諸生朝恩既貴顯乃學講經為

亮翻文僅能執筆辨章句遽自謂才兼文武人莫敢與之抗

辛卯命有司修國子監元載專權恐奏事者攻訐其

私載祖亥翻又如

字訐居謁翻乃請百官凡論事皆先白長官長官

白宰相然後奏聞仍以上旨諭百官曰比日諸司奏事

煩多所言多讒毀

長知兩翻
比毗至翻

故委長官宰相先定其可

否刑部尚書顏真卿上疏以為郎官御史陛下之耳目

尚辰羊翻上時掌
曹二十四司郎官

翻疏所據
御史者御史臺三院御史

郎官者尚書省
今使論

事者先白宰相是自掩其耳目也陛下患羣臣之為讒

何不察其言之虛實若所言果虛宜誅之果實宜賞之

不務為此而使天下謂陛下厭聽覽之煩託此為辭以

塞諫爭之路臣竊為陛下惜之

塞昔則翻爭讀
曰諍為于偽翻

太宗著

門司式云

唐式三十三篇以尚書省諸曹及秘書太常司農光祿太府太僕少府及監門宿衛計帳

為其

其無門籍人有急奏者皆令門司與仗家引奏

唐制

門籍流內記官爵姓名流外記年齒狀貌月一易其籍非遷解不除無門籍者有急奏則令門司與仗家引奏

仗家宿衛五仗之執事者令丁翻

無得闕碍所以防壅蔽也天寶以後

李林甫為相深疾言者道路以目上意不下逮下情不

上達蒙蔽喑鳴

史炤曰喑鳴語喑啞不明

卒成幸蜀之禍

卒子恤翻

陵夷

至于今日其所從來者漸矣夫人主大開不諱之路羣

臣猶莫敢盡言況今宰相大臣裁而抑之則陛下所聞

見者不過三數人耳天下之士從此鉗口結舌陛下見無復言者以為天下無事可論是林甫復起於今日也

昔林甫雖擅權羣臣有不諂宰相輒奏事者則託以他

事陰中傷之

復扶又翻
中竹仲翻

猶不敢明令百司奏事皆先白

宰相也陛下儻不早寤漸成孤立後雖悔之亦無及矣

載間而恨之奏真卿誹謗乙未貶峽州別駕

峽州夷陵
郡舊志京

師東南一千一百八十八里

己亥命大理少卿楊濟修好於吐蕃

少詩照翻好呼到
翻吐從嗽入聲

壬子以杜鴻漸為山南西道劍南

東西川副元帥劔南西川節度使以平蜀亂

崔旰之亂也帥所類

翻使疏吏翻

以四鎮北庭行營節度使馬璘兼邠寧節度

使璘以段秀實為三使都虞候

三使四鎮一也北庭二也邠寧三也

卒有

能引弓重二百四十斤者

考異曰舊傳作能引二十四弓今從段公別傳

犯

盜當死璘欲生之秀實曰將有愛憎而法不一雖韓彭

不能為理璘善其議竟殺之璘處事或不中理

處昌呂翻中竹

仲翻

秀實力爭之璘有時怒甚左右戰栗秀實曰秀實罪

若可殺何以怒為無罪殺人恐涉非道璘拂衣起秀實

徐步而出良久璘置酒召秀實謝之自是軍州事皆咨

秀實而後行璘由是在邠寧聲稱殊美

稱尺證翻

癸丑以

山南西道節度使張獻誠兼劍南東川節度使邛州刺

史柏茂琳為邛南防禦使

邛南邛水以南也邛水出以嚴道邛崃山入青衣江

崔旰為茂州刺史充西山防禦使三月癸未獻誠與旰

戰于梓州獻誠軍敗僅以身免旰節皆為旰所奪夏

五月河西節度使楊休明徙鎮沙州

涼州渝陷故也

秋八月

國子監成丁玄釋奠

記文王世子凡始立學者必釋奠于先聖先師政之鄭注凡學四時

皆有釋奠釋奠者設薦饌酌奠而已無迎尸以下之事
記又曰始立學者既蒙器用幣然後釋菜不舞不授器
注云釋菜禮輕也釋奠則舞舞則授器司馬之屬司兵
司戈司盾祭祀授舞者兵也周禮大胥春入學釋菜合
舞注云合舞等其進退鄭司農云舍菜謂舞者皆持公
香之菜秦漢釋奠無文魏則以太常行事晉宋以學官
主祭南齊武帝時有司奏釋奠先聖先師禮文又有釋
菜未詳今當行何禮用何樂時從喻希議用元嘉故事
設軒懸之樂六佾之舞牲牢器用悉依上公梁及北齊
車駕視學皆親釋奠唐春秋釋奠三獻皆以學官太宗
貞觀十四年親釋奠於國學玄宗
開元十一年詔春秋釋奠用牲牢
講鼎覆餗以譏宰相
易曰鼎折足覆公餗言三公鼎足
承君苟非其人則折足而覆餗美
實餗音桑谷
翻鼎實也
王縉怒元載怡然
考異曰是時縉留守
東都而得預此會者按

實錄明年二月郭子儀入朝詔元載王縉宴於其第然則雖守東都有時朝京師也朝恩謂人曰

怒者常情笑者不可測也杜鴻漸至蜀境聞張獻誠

敗而懼使人先達意於崔旰許以萬全旰卑辭重賂以

迎之鴻漸喜進至成都見旰但接以溫恭無一言責其干

紀州府事悉以委旰又數薦之於朝因請以節制讓旰

數所以自翻柏茂琳楊子琳李昌巖各為本州刺史上不得

已從之

杜鴻漸習知朝廷之務姑息故敢以崔旰等請

壬寅以旰為成都尹西

川節度行軍司馬

崔旰遂據有西川

甲辰以魚朝恩行內侍

監判國子監事中書舍人京兆常袞上言成均之任當

用名儒

五帝名學曰成均垂拱元年改國子監曰成均義取此也尋復其舊常袞謂國子監為成均亦

猶今人言太學為辟雍耳

不宜以宦者領之丁未命宰相以下送朝

恩上

上時掌翻

京兆尹黎幹自南山引澗水穿漕渠入長

安功竟不成冬十月乙未上生日

開元十四年十月十三日上生以其

日為天興聖節

諸道節度使獻金帛器服珍玩駿馬為壽共直

緡錢二十四萬常袞上言以為節度使非能男耕女織

必取之於人歛怨求媚不可長也

長知兩翻

請却之上不聽

京兆尹第五琦什一稅法民苦其重多流亡十一月

甲子日南至赦改元

大改元

悉停什一稅法

行什一稅見上卷上年

十二月癸卯周智光殺陝州監軍張志斌

斌音彬

智光

素與陝州刺史皇甫溫不協志斌入奏事智光館之

自陝

州入奏事道過華州館古玩翻

志斌責其部下不肅智光怒曰僕固懷

恩不反正由汝輩激之我亦不反今日為汝反矣

偽為于翻

叱下斬之鬻食其肉

史炤曰鬻其肉以食也切

朝士舉選人畏智光

之暴多自同州竊過

選須綃翻

智光遣將將兵邀之於路死

者甚衆

將即亮翻

戊申詔加智光檢校左僕射遣中使余元

仙持告身授之智光慢罵曰智光有大功於天下國家

不與平章事而與僕射且同華地狹不足展材若益以

陝虢商鄜坊五州庶猶可耳因歷數大臣過失

數所具翻

且

曰此去長安百八十里智光夜眠不敢舒足恐踏破長

安城至於挾天子令諸侯惟周智光能之元仙股慄郭

子儀屢請討智光上不許郭子儀以河中軍食常乏

乃自耕百畝將校以是為差於是士卒皆不勸而耕是

歲河中野無曠土軍有餘糧

史言郭子儀忠勤為國

以隴右行

軍司馬陳少遊為桂管觀察使

桂管領桂昭賀富藤梧潘白廉繡欽橫邕融柳

貴十七州劉昫曰桂管十五州在廣州西桂昭富梧蒙興潯鬱林平琴賓澄繡象柳融

少遊博州

人也為吏彊敏而好賄

奸呼到翻

善結權貴以是得進既得

桂州惡其道遠多瘴癘

惡為路翻

宦官董秀掌樞密

是後遂以中官

為樞密使

少遊請歲獻五萬緡又納賄於元載子仲武内外

引薦

董秀引薦於内元載引薦於外

數日改宣歙觀察使

宋白曰乾元元年停采訪

使及諸道黜陟使置觀察處置使今按李峴之任重矣陳少遊淮節度宣慰觀察處置使

止觀察一二州或數
州其任在節度使下

二年春正月丁巳密詔郭子儀討周智光子儀命大將

渾瑊李懷光軍于渭上智光麾下聞之皆有離心己未

智光大將李漢惠自同州帥所部降於子儀帥讀曰率下同降戶

翻江壬戌貶智光澧州刺史宋白曰澧州漢零陽縣地吳立天門郡隋置松州尋改澧

州州在澧水之陽故名舊志州在京甲子華州牙將姚

懷李延俊殺智光以其首來獻淮西節度使李忠臣入

朝以收華州為名帥所部兵大掠自潼關至赤水水經注渭

水東過鄭縣北又東與赤水合
九域志華州鄭縣有赤水鎮

二百里間財蓄殆盡官

更有衣紙

衣於既翻

或數日不食者已已置潼關鎮兵二千

人壬申分劍南置東川觀察使鎮遂州

合東西川見上卷廣德二

年

二月丙戌郭子儀入朝上命元載王縉魚朝恩等

互置酒於其第一會之費至十萬緡上禮重子儀常謂

之大臣而不名郭曖嘗與昇平公主爭言

永泰元年下據郭曖事見

上表曖曰汝倚乃父為天子邪我父薄天子不為公主恚

奔車奏之上曰此非汝所知彼誠如是使彼欲為天子

天下豈汝家所有邪慰諭令歸子儀聞之因暖入待罪

上曰鄙諺有之

史炤曰鄙諺但俗所傳之言也

不知不聾不作家翁兒

女子閨房之言何足聽也子儀歸杖暖數十夏四月

庚子命宰相魚朝恩與吐蕃盟於興唐寺

命宰相及魚朝恩也

杜鴻漸請入朝奏事以崔旰知西川留後

考異曰傷鴻漸傳云鴻

漸仍帥旰同入覲寧傳云鴻漸請旰為行軍司馬仍賜名寧鴻漸歸遂授寧西川節度使至十四年始入朝實

錄亦無隨鴻漸入朝事鴻漸傳誤也

六月甲戌鴻漸來自成都廣為貢獻

因盛陳利害薦旰才堪寄任上亦務姑息乃留鴻漸復

知政事

復扶又翻

秋七月丙寅以盱為西川節度使杜濟為

東川節度使盱厚斂以賂權貴

斂力贍翻

元載擢盱弟寬至

御史中丞寬兄審至給事中 丁卯魚朝恩奏以先所

賜莊為章敬寺

據舊史章敬寺在通化門外

以資章敬太后冥福

上母

吳后謚章敬

於是窮壯極麗盡都市之財不足用奏毀曲江

及華清宮館以給之

財當作材都市者長安朱雀街東第五街皇

城之東第三街昇道坊龍華尼寺南有流水屈曲謂之曲江此地秦為宜春院墜州在漢為樂遊園開元疏鑿遂為勝境其南有紫雲樓芙蓉苑其西有杏園慈恩寺江側菰蒲蔥翠柳陰四合碧波紅蕖依映可愛華清

宮見二百十五
卷天寶六載

費逾萬億

孔穎達曰億之數有大小二法其小數以十為等十萬為

億十億為兆也其大數以萬為等數萬至萬是萬萬為億又從億而數至萬萬億為兆

衛州進士

高郢上書略曰先太后聖德不必以一寺增輝國家永

圖無寧以百姓為本捨人就寺何福之為又曰無寺猶

可無人其可乎又曰陛下當卑宮室以夏禹為法而崇

塔廟踵梁武之風乎又上書略曰古之明王積善以致

福不費財以求福修德以消禍不勞人以禳禍今興造

急促晝夜不息力不逮者隨以榜笞

榜音彭

愁痛之聲盈

於道路以此望福臣恐不然又曰陛下廻正道於內心

求微助於外物徇左右之過計傷皇王之大猷臣竊為

陛下惜之

為于偽翻

皆寢不報

考異曰郢集前書八月二十五日後書九月十三日上

今因造寺終言之

始上好祠祀未甚重佛元載王縉杜鴻漸為

相三人皆好佛縉尤甚不食葷血

葷臭菜也血者殺六畜而取之好呼到翻

與鴻漸造寺無窮上嘗問以佛言報應果為有無載等

奏以國家運祚靈長非宿植福業何以致之福業已定

雖時有小災終不能為害所以安史悖逆方熾而皆有

子禍

謂安慶緒殺祿山史朝義殺思明也

僕固懷恩稱兵內侮出門病死

回紇吐蕃大舉深入不戰而退

事並見上卷上年

此皆非人力

所及豈得言無報應也上由是深信之常於禁中飯僧

百餘人

飯扶晚翻

有寇至則令僧講仁王經以禳之

所謂護國仁王

經也

寇去則厚加賞賜胡僧不空官至卿監爵為國公出

入禁闥勢移權貴京畿良田美利多歸僧寺勅天下無

得簪曳僧尼造金閣寺於五臺山

忻州五臺縣有五臺山釋氏相傳以為文

殊道場注詳見後

鑄銅塗金為瓦所費鉅億

鉅億者億億也此言大數之億

緡

給中書符牒令五臺僧數十人散之四方求利以營之

載等每侍上從容多談佛事

從千容翻

由是中外臣民承流

相化皆廢人事而奉佛政刑日紊矣

紊亡運翻

八月庚辰

鳳翔等道節度使左僕射平章事李抱玉入朝

李抱玉以陳鄭

澤潞鳳翔等道節度使防吐蕃

固讓僕射言辭確至

確堅也固也

上許之癸

丑又讓鳳翔節度使不許

丁酉杜鴻漸飯千僧以使

蜀無恙故也

飯扶晚翻

九月吐蕃衆數萬圍靈州遊騎至

潘原宜祿

潘原本古陰盤縣天寶元年更名潘原屬涇州

詔郭子儀自河中帥

甲士三萬鎮涇陽京師戒嚴甲子子儀移鎮奉天

異曰考

汾陽家傳八月十七日吐蕃至涇西二十七日詔統精卒一萬與馬璘合攻之今從實錄實錄甲寅寇靈州乙

卯寇宜祿蓋據奏到日今從唐歷

山獠陷桂州逐刺史李良

獠魯皓翻

冬十月戊寅朔方節度使路嗣恭破吐蕃於靈州城下

考異曰唐歷九月吐蕃圍靈武戊申嗣恭破吐蕃按長歷戊申九月一日也今從實錄

斬首二千

餘級吐蕃引去 十二月庚辰盜發郭子儀父冢捕之

不獲人以為魚朝恩素惡子儀疑其使之

惡烏路翻

子儀自

奉天入朝朝廷憂其為變子儀見上上語及之子儀流

涕曰臣久將兵不能禁暴軍士多發人家今日及此乃

天譴非人事也朝廷乃安是歲復以鎮西為安西

改鎮

西見二百二十卷肅宗至德元載復扶又翻

新羅王憲英卒子乾運立

三年春正月乙丑上幸章敬寺度僧尼千人贈建寧

王倓為齊王

倓死見二百十九卷至德二載

二月癸巳商州兵馬使

劉洽殺防禦使殷仲卿尋討平之甲午郭子儀禁無

故軍中走馬南陽夫人乳母之子犯禁

子儀妻封南陽夫人

都虞

候杖殺之諸子泣訴於子儀且言都虞候之橫

字文泰相魏置

虞侯都督後世因之置虞侯之官橫戶孟翻

子儀叱遣之明日以事語僚佐

而歎息

語斗侶翻

曰子儀諸子皆奴材也不賞父之都虞侯

而惜母之乳母子非奴材而何

庚子以後宮獨孤氏

為貴妃

三月乙巳朔日有食之

夏四月戊寅山南

西道節度使張獻誠以疾舉從父弟右羽林將軍獻恭

自代

從才用翻

上許之

壬寅西川節度使崔旰入朝 初

上遣中使徵李泌於衡山

泌歸衡山見二百二十卷至德二載

既至復賜

金紫

泌從肅宗於靈武已賜金紫既歸衡山反其初服今復賜之復扶又翻

為之作書院

於蓬萊殿側

蓬萊殿在紫宸殿北蓬萊殿北有大液池池中有蓬萊山為于偽翻下為泌同上

時衣汗衫躡屨過之

汗衫宴居之常服也今通貴賤皆服之惟天子以黃為別炙數子曰

燕朝袞冕有白紗中單有明衣皆汗衫之象以行祭接神漢高祖與項羽交戰汗透中單改名汗衫貴賤通服衣音於既翻

自給舍以上

給舍者謂給事中中書舍人皆唐正五品官也

及方

鎮除拜軍國大事皆與之議又使魚朝恩於白花屯為泌作外院使與親舊相見上欲以泌為門下侍郎同平

章事泌固辭

泌毗必翻讓元載按載時已為相何讓之有又曰到

考異曰郭侯家傳曰固辭以

山四歲而二聖登遐代宗踐阼命中人手持驢騎微先公於衡岳先是半年前先公夜遇盜三人為其所拉而

殺之於懸澗及日出乃寤下籍樹葉大餘都無所傷緣
巖攀蘿而出不敢至舊居山中人初以為仙去及中貴
將至先公大懼沐浴更衣以俟命乃代宗踐阼之徵也
疑盜為張后輔國所遣亦竟不知其由按玄肅登遐泌
雖在山林豈容全不知如家傳所言是代宗纔立即召
泌也須經幸陝泌豈得全無一言召泌必在幸陝之後
李繁誤

記耳

上曰機務之煩不得晨夕相見誠不若且居密

近何必署勅然後為宰相邪

相息亮翻
邪音耶

後因端午王公

妃主各獻服玩上謂泌曰先生何獨無所獻對曰臣居
禁中自巾至履皆陛下所賜所餘惟一身耳何以為獻
上曰朕所求正在此耳泌曰臣身非陛下有誰則有之

上曰先帝欲以宰相屈卿而不能得

見二百一十八卷肅宗至德元載七

月自今既獻其身當惟朕所為不為卿有矣泌曰陛下

欲使臣何為上曰朕欲卿食酒肉有室家受祿位為俗

人泌泣曰臣絕粒二十餘年陛下何必使臣隳其志乎

上曰泣復何益

復扶又翻

卿在九重之中欲何之乃命中使

為泌葬二親

重直龍翻使疎吏翻為于李翻下又為同

又為泌娶盧氏女為

妻

考異曰鄴侯家傳云永泰元年端午上令泌食酒結婚按下云阿足師竊艷履置紫宸上欲使內人護

燈燭泌曰臣六七年在此又曰況新賜婚上即位至永泰纔四年耳又云因此得謗元載遂因魚朝恩事排出

之然則結婚與朝恩誅不相遠今蓋因追贈承天言之

資費皆出縣官賜第於光

福坊令泌數日宿第中數日宿蓬萊院上與泌語及齊

王倓欲厚加褒贈泌請用岐薛故事贈太子

令力丁翻俠徒甘翻

岐王範贈惠文太子薛王業贈惠宣太子皆在玄宗朝

上泣曰吾弟首建靈武之

議成中興之業

事見二百一十九卷肅宗至德元載

岐薛豈有此功乎竭

誠忠孝乃為讒人所害卿使尚存朕必以為太弟今當

崇以帝號成吾夙志乙卯制追謚倓曰承天皇帝庚申

葬順陵

謚中至翻順陵在咸陽縣咸陽原侯家傳曰命使自彭原迎喪葬齊陵今從實錄

葬順陵

崔旰之入朝也以弟寬為留後

是年四月壬寅崔旰入朝朝直

遙翻瀘州刺史楊子琳帥精騎數千乘虛突入成都

瀘音盧帥

讀曰率騎奇計翻

朝廷聞之加旰檢校工部尚書賜名寧

校古孝翻

尚辰羊翻考異曰舊傳旰初為杜鴻漸行軍司馬即改名寧今從實錄

遣還鎮六月壬

辰幽州兵馬使朱希彩經略副使昌平朱泚

使疎史翻昌平本漢

軍都縣後魏更名昌平縣唐屬幽州泚且禮翻又音此

泚弟滔共殺節度使李懷

仙希彩自稱留後閏月成德軍節度使李寶臣遣將將

兵討希彩為希彩所敗

敗補過翻

朝廷不得已宥之庚申以

王縉領盧龍節度使丁卯以希彩領幽州留後 崔寬

與楊子琳戰數不利數所秋七月崔寧妻任氏出家財

數十萬募兵得數千人帥以擊子琳破之任音士帥讀曰率考異曰

實錄五月子琳襲據成都即日詔寧還成都七月壬申

又云子琳寇成都遂據其城寧弟寬破之蓋五月奏據

城七月奏破之成功雖因

任氏奏時須著寬名故也 子琳走 乙亥王縉如幽州

朱希彩盛兵嚴備以逆之縉晏然而行希彩迎謁甚恭

縉度終不可制度徒洛勞軍旬餘日而還勞力到翻還從宣翻又如字

回紇可敦卒紇下沒翻庚辰以右散騎常侍蕭昕為

弔祭使

散甘宣翻騎奇計翻
昕許斤翻使跋吏翻

回紇庭詰昕曰我於唐有

大功唐奈何失信市我馬不時歸其直昕曰回紇之功

唐已報之矣僕固懷恩之叛回紇助之與吐蕃連兵入

寇逼我郊畿

詰去
吉翻

及懷恩死吐蕃走然後回紇懼而請

和我唐不忘前功加惠而縱之

事見上卷
永泰元年

不然匹馬不

歸矣乃回紇負約宣唐失信邪回紇慙厚禮而歸之

丙戌內出孟蘭盆賜章敬寺

釋氏孟蘭盆經目連比丘
見其亡母在餓鬼中目連

白佛言七月望日當為七代父母及父母在阨難中者
具百味五果以著盆中供養十方佛然後受食夢華錄

曰中元買冥器綠衣以竹牀三脚如燈窩狀謂之孟蘭盆掛冥財衣服在上焚之釋氏要覽曰梵云孟蘭此云救倒懸盆陸游曰俗以七月望日具素饌享先織竹作盆盜貯紙錢盛以一竹焚之謂之孟蘭盆嗚呼代宗為

此以七廟神靈為安在邪設七廟神座書尊號於禱上百官迎謁於

光順門

閣本大明宮圖光順門在紫宸門之西光順門內則明義殿承歡殿

自是歲以為

常八月壬戌吐蕃十萬衆寇靈武丁卯吐蕃尚贊摩

二萬衆寇邠州京師戒嚴邠寧節度使馬璘擊破之

吐從

嗽入聲邠卑反翻使疏利翻璘離珍翻

庚午河東節度使同平章事辛

雲京薨以王緡領河東節度使餘如故九月壬申命

郭子儀將兵五萬屯奉天以備吐蕃

將即亮翻又如字

丁丑

濟王環薨

環宣宗子也濟子禮翻

壬午朔方騎將白元光擊吐

蕃破之壬辰元光又破吐蕃二萬衆於靈武

騎奇計翻考異曰

寶錄戊戌郭子儀奏靈州破吐蕃六萬餘衆百餘人賀京師解嚴蓋即壬辰白元光所破也子儀合前後所破而奏之耳鳳翔節度使李抱玉使右軍都將臨洮李晟將兵

五千擊吐蕃晟曰以力則五千不足以謀則太多乃

將千人出大震關至臨洮屠吐蕃定秦堡

臨洮洮州吐蕃志吞秦土

故築堡於洮州以定秦為名洮徒刀翻晟承正翻

焚其積聚虜堡帥慕容谷種

而還

帥所類翻還從宣翻又音如字

吐蕃聞之釋靈州之圍而去戊戌

京師解嚴

潁州刺史李岵以事忤滑毫節度使令狐

彰

岵侯古翻忤五故翻

彰使節度判官姚勳按行潁州

行下孟翻

因代

岵領州事且曰岵不受代即殺之岵知之因激怒將士

使殺勳與勳同死者百餘人岵走依河南節度使田神

功於汴州

汴皮面翻

冬十月乙巳彰表言其狀岵亦上表自

理上命給事中賀若察往按之

亦上時兩翻實錄十月乙巳

潁州判考異曰

史李岵殺本道節度判官姚勳及勳之弟岵奔汴州本道節度使令狐彰以聞岵亦抗表上聞初岵以公

務為彰所怒因遣與巡按境內便留知潁州事姑聞之
遂與親吏潛謀詐為與書將為變使將士遺於路中潁
州守將得之懼乃與姑同謀殺與詔給事中賀若察使
於潁按覆唐厯曰十月潁州將士怒殺毫州判官魏與
初令狐彰怒潁州刺史李姑遣與代之且告之曰若姑
不受替即殺之姑覺之以告將吏怒而殺與併弟統紀
作滑州宣詔判官姚與又曰彰表先至遣給事中賀若察
往滑州宣詔決李姑配流夷州尋賜自盡今姓名從實
錄統紀事則
參取諸書
丁卯郭子儀自奉天入朝朝直十一

月丁亥以幽州留後朱希彩為節度使使疏郭子儀

還河中

自奉天入朝回還河中
還從宣翻又音如字

元載以吐蕃連歲入寇

馬璘以四鎮兵屯邠寧力不能拒

載徂亥翻又如字吐
從噉入聲璘離珍翻

邵音卑
受翻

而郭子儀以朔方重兵鎮河中深居腹中無事

之地乃與子儀及諸將議徙璘鎮涇州而使子儀以朔方兵鎮邠州曰若以邊土荒殘軍費不給則以內地租稅及運金帛以助之諸將皆以為然十二月己酉徙馬

璘為涇原節度使以邠寧慶三州隸朔方

將即亮翻朔方兵分屯邠

肅始此考異曰實錄己酉以吐蕃歲犯西疆增修鎮守乃以邠寧節度馬璘鎮涇州仍為涇原節度使以邠寧慶等州隸朔方汾陽家傳四年五月詔集兵於邠郭六月公自河中遣一萬兵二十八日公如邠州舊子儀傳時以西蕃侵寇京師不安馬璘雖在邠州力不能拒乃以子儀兼邠寧慶節度自河中移鎮邠州徙馬璘涇原

節度使邵志初吐蕃既退諸侯入覲是時馬鎮西以四鎮兼邵寧李公軍澤潞以防秋軍盤屋丞相元公載使人諷諸將使責已曰今四郊多壘中外未寧公執國柄有年矣安危大計一無所聞如之何載曰非所及也他日又言且曰得非曠職乎載莞然曰安危繫於大臣非獨宰臣也先王作兵置之四境所以禦戎狄也今內地無虞朔方兵在河中澤潞軍在盤屋遊軍伺寇不遠京室王畿之外豈假是邪必令損益湏自此始故曰非所及也郭李曰宰臣但圖之哉曰今若徒四鎮于涇朔方于邵澤潞于岐則內地無虞三邊有備三賢之意何如三公曰惟所指揮既而相謂曰我曹既為所冊得無行乎十二月詔馬公兼領涇原尋以鄭顥資之李公兼領山南猶以澤潞資之郭公兼領邵寧亦以河中資之三將皆如詔朔方軍自此大徙於邵郭公雖連統數道軍之精甲悉聚邵府其它子弟分居蒲靈各置守將以專其令蒲之餘卒稍遷於邵十年之間無遺甲矣段公別

傳曰馬公朝於京師以公掌留事馬公懇奏請以邠寧
慶三州讓副帥子儀令以朔方河中之軍鎮之自帥四
鎮北庭之衆遷赴涇州將以拓西境代宗壯而許之十
二月二日朝廷以馬公為涇原節度使蓋三年立此議
至四年子儀始遷
邠今參取諸書 璘先往城涇州以都虞候段秀實知

邠州留後

璘離珍翻
邠早晃翻

初四鎮北庭兵遠赴中原之難

事見

二百十九卷至德
元載難乃旦翻

久羈旅數遷徙

數所
角翻

四鎮歷汴號鳳

翔北庭歷懷絳鄜然後至邠頗積勞弊

汴皮面翻
鄜音夫

及徙

涇州衆皆怨誹刀斧兵馬使王童之謀作亂

誹數尾翻
刀斧兵馬

使領羣
刀斧

期以辛酉旦警嚴而發

旦警嚴者將旦嚴鼓以
警衆也周禮謂之發响

今人謂之攢點

前夕有告之者秀實陽召掌漏者怒之以其失

節令每更來白

掌漏者謂守漏之卒也令力丁翻更工行翻

輒延之數刻遂

四更而曙童之不果發秀實欲討之而亂迹未露恐軍中

疑其寬告者又云今夕欲焚馬坊草因救火謀作亂中

夕火果起秀實命軍中行者皆止坐者勿起各整部伍

嚴守要害童之白請救火不許及旦捕童之及其黨八

人皆斬之下令曰後徙者族流言者刑遂徙于涇

史言

實能弭亂

癸亥西川破吐蕃萬餘衆

吐徙瞰

平

令力丁翻

八聲

盧行軍司馬許杲

考異曰舊傳作許杲今從韓愈順宗實錄

將卒三千人

駐濠州不去有窺淮南意

將即亮嗣又如字濠州治鍾離漢當塗縣地隋改濠州因

濠水而名

淮南節度使崔圓令副使元城張萬福攝濠州刺史

史杲聞即提卒去止當塗

此當塗縣宋屬太平州本漢丹陽縣地按漢書地理志當

塗屬九江郡晉成帝時以江北之當塗縣流人過江者立當塗僑縣遂為實土

是歲上召萬福

以為和州刺史行營防禦使討杲萬福至州杲懼移軍

上元

按上元楚之金陵秦之秣陵吳之建業江左之建康晉分秣陵置臨江縣太康初又改為江寧至肅

宗上元二年更今名

又北至楚州大掠

許杲既去濠州南渡江而屯當

欽定四庫全書

卷二百二十四

塗及張萬福至歷陽逼之又移上淮南節度使韋元甫
元又自上元渡江而北掠楚州也

命萬福追討之未至淮陰果為其將康自勸所逐史疏

將即自勸擁兵繼掠循淮而東萬福倍道追而殺之免亮翻

者什二三元甫將厚賞將士萬福曰官健常虛費衣糧

無所事

兵農既分縣官費衣糧以養軍謂之官健猶言官所養健兒也按唐六典衛士之外天下諸軍

有健兒舊健兒在軍皆有年限更來往頗為勞弊開元十五年勅以天下無虞宜與人休息自今已後諸軍鎮量閑劇利害置兵防健兒於諸色征行人內及客戶中召募取丁壯情愿充健兒長住邊軍者每年加常例給賜兼給永年優復其家口情願同者聽至軍州各給田地屋宅人頗其利中外獲安永無徵發之役此當時言

兵農已分之利而養兵之害卒不可救以至于今

今方立小功不足過賞請用

三分之一

四年春正月丙子郭子儀入朝魚朝恩邀之遊章敬寺

朝直遙翻魚朝恩建章敬寺自以為功因子儀入朝請遊之以誇大其事元載恐其相結密

使子儀軍吏告子儀曰朝恩謀不利於公子儀不聽吏

亦告諸將將士請衷甲以從者三百人

杜預曰衷甲謂在衣中從才用

同

翻下

子儀曰我國之大臣彼無天子之命安敢害我若

受命而來汝曹欲何為乃從家僮數人而往朝恩迎之

驚其從者之約子儀以所聞告且曰恐煩公經營耳朝

恩撫膺捧手流涕曰非公長者能無疑乎長知壬午

流李岫於夷州岫侯古翻流岫直在今孤彰也乙酉郭子儀還河中

朝而還也還從宣翻又如字辛卯賜李岫死二月壬寅以京兆

之好時鳳翔之麟遊普潤隸神策軍時音止從魚朝恩之

請也揚子琳既敗還瀘州招聚亡命得數千人泐江

東下聲言入朝涪州守捉使王守仙伏兵黃草峽瀘音水

經注涪州之西有黃葛峽山高險絕無人居意即此峽也按杜甫詩有黃草峽西船不歸之句注云黃草峽在

涪州之西
涪音浮

子琳悉擒之擊守仙於忠州守仙僅以身免

子琳遂殺夔州別駕張忠據其城荆南節度使衛伯玉

欲結以為援以夔州許之

使疎史翻夔州荆南巡屬

為之請於朝

為于

偽陽曲人劉昌裔

舊志前漢陽曲縣唐河州定襄縣即其地也後漢移陽曲縣于太原界乃

於陽曲古城置定襄縣而太原之陽曲隋開皇六年改為陽直十六年又改為汾陽惡陽曲之名也武德七年

復改為陽曲縣說子琳遣使詣闕請罪

說式

子琳從之乙巳以

子琳為峽州團練使

峽州夷陵郡

初僕固懷恩死

見上卷永泰元

年上憐其有功置其女宮中養以為女回紇請以為可

敦夏五月辛卯冊為崇徽公主嫁回紇可汗壬辰遣兵

部侍郎李涵送之涵奏祠部郎中虞鄉董晉為判官

盧鄉

漢解縣後魏分置虞鄉縣貞觀十七年省解縣併入虞鄉二十年復置解縣而省虞鄉天授二年復分解縣置

虞鄉縣屬河中府宋白曰後魏太和九年於今虞鄉縣

西十三里置南解縣周明帝廢南解以虞鄉縣屬綏化

郡今縣西三十四里綏化故城是也寶定四年改綏化

為虞鄉縣周宋置解縣於今虞鄉城東於解縣西五十

里別置虞鄉縣今邑是也六月丁酉公主辭行至回紇牙帳回紇來

言曰唐約我為市馬既入而歸我賄不足我於使人乎

取之涵懼不敢對視晉晉曰我非無馬而與爾為市為

爾賜不既多乎爾之馬歲至吾數皮而歸資

言不計其生死皆償

馬值也

邊吏請致詰也天子念爾有勞故下詔禁侵犯諸

戎畏我大國之爾與也莫敢校焉爾之父子寧而畜馬

蕃者

高呼玉翻蕃音煩

非我誰使之於是其衆皆環晉拜

環音宜

既又相帥南面序拜皆舉兩手曰不敢有意大國

此晉史韓

愈狀晉之辭其言容有溢美帥讀曰率

戊申王綰表讓副元帥都統行

營使辛酉郭子儀自河中遷于邠州其精兵皆自隨

餘兵使裨將將之分守河中靈州

將即亮翻

軍士久家河中

頗不樂徙

洛樂音

往往自邠逃歸行軍司馬嚴郢領留府

悉捕得誅其渠帥衆心乃定

邠平吳翻郢以并翻帥所類翻

秋九月

吐蕃寇靈州丁丑朔方留後常謙光擊破之河東兵

馬使王無縱張奉璋等恃功驕蹇以王縉書生易之

縉音

晉易以

多違約束縉受詔發兵詣鹽州防秋

鹽州漢五原郡地隋

置鹽州治五原縣今州南抵慶州馬嶺縣北界即漢馬嶺縣地

遣無縱奉璋將步騎三

千赴之奉璋逗遛不進無縱托它事擅入太原城縉悉

擒斬之并其黨七人諸將悍戾者殆盡

將即亮翻又如字騎奇計翻悍

倭
軒

軍府始安

冬十月常謙光奏吐蕃寇鳴沙首尾

四十里

吐從瞰入聲鳴沙縣屬
靈州本漢富平縣地

郭子儀遣兵馬使渾瑊

將銳兵五千救靈州子儀自將進至慶州聞吐蕃退乃

還

使疎史翻將即亮翻瑊古咸翻
還從宣翻又如字吐從瞰入聲

黃門侍郎同平章

事杜鴻漸以疾辭位壬申許之乙亥薨鴻漸病甚令僧

削髮遺令為塔以葬

令力丁翻遺
令力定翻

丙子以左僕射裴

冕同平章事初元載為新平尉

射寅謝翻新平漢上郡
之白土縣後漢獻帝置

新平郡至於後魏縣名猶不改西魏置幽州隋開皇四
年改曰新平縣因郡以名縣也唐為邠州治所宋白曰

欽定四庫全書

卷二百二十四

新平漢漆縣地漢建安中分扶風置新平郡姚萇之亂
屠廢不立後魏於今縣西南置白土縣屬新平郡隋開
皇四年改白土縣為新平縣唐
武德以新平縣為幽州治所
冕嘗薦之故載舉以為

相亦利其老病易制

易以
歧翻

受命之際蹈舞仆地載趨而

扶之代為謝詞十二月戊戌冕薨

五年春正月己巳羌酋白對蓬等各帥部落內屬

酋
由翻

觀軍容宣慰處置使左監門衛大將軍兼神策軍使內

侍監魚朝恩專典禁兵寵任無比

處昌呂翻監古
衡翻朝直遙翻

上常

與議軍國事勢傾朝野朝恩好於廣座恣談時政

好呼
到翻

陵侮宰相元載雖彊辯亦供默不敢應神策都虞候劉

希暹都知兵馬使王駕鶴皆有寵於朝恩希暹說朝恩

於北軍置獄

左右神策軍左右羽林軍左右龍武軍皆謂之北軍說式內翻

使坊市惡少年羅告富室誣以罪惡捕繫地牢訊掠取

服

少詩照翻掠音亮

籍沒其家貲入軍并分賞告捕者地在禁

密人莫敢言朝恩每奏事以必允為期朝廷政事有不

豫者輒怒曰天下事有不由我者邪

朝直遙翻邪音耶

上聞之

由是不懌朝恩養子令徹尚幼為內給使衣綠

唐制內給使無

常負屬內侍省凡無官品者號內給使掌諸門進物之歷宋白曰掌諸門進物出物之歷衣於既翻與同

列忿爭歸告朝恩朝恩明日見上曰臣子官卑為儕輩

所陵

儕士皆翻

乞賜之紫衣上未應有司已執紫衣於前令

徽服之拜謝上強笑曰兒服紫大宜稱心

強其兩翻稱尺正翻

愈

不平元載測知上指乘間奏朝恩專恣不軌

間古翻

請除

之上亦知天下共怨怒遂令載為方略朝恩每入殿常

使射生將周皓將百人自衛

令力丁翻將即亮翻皓將同又如字

又使其

黨陝州節度使皇甫溫握兵於外以為援

陝失冉翻度使疎吏翻

載皆以重賂結之故朝恩陰謀密語上一一聞之而朝

恩不之覺也辛卯載為上謀

為子偽翻

徙李抱玉為山南西

道節度使以溫為鳳翔節度使外重其權實內溫以自

助也載又請割郿號寶雞鄠鵽屋隸抱玉

鄠音戶鵽屋音舟室漢制

右扶風有郿號二縣及晉省號縣存郿縣後魏於號縣地置武都郡郡西魏置洛邑縣後周置朔州州尋廢隋開

皇初廢郡大業初改洛邑縣為號縣後魏又於郿縣置平陽周城二縣西魏改平陽為郿城後周廢入周城縣

隋開皇十八年改周城曰渭濱大業二年改曰郿縣唐志二縣皆屬鳳翔府

興平武功天興

扶風隸神策軍

興平舊曰始平景龍元年更名金城至德二載更名興平屬京兆府

朝恩

喜於得地殊不以載為虞驕橫如故

橫戶孟翻

壬辰加河

南尹張延賞為東京留守罷河南等道副元帥以其兵

屬留守

守式又翻帥所類翻

延賞嘉貞之子也

張嘉貞開元中為相

二月

戊戌李抱玉徙鎮盤屋

徙屯盤屋以燕統山南

軍士憤怨大掠鳳

翔坊市數日乃定

劉希暹頗覺上意異以告魚朝恩

朝恩始疑懼

暹息唐翻朝直遙翻

然上每見之恩禮益隆朝恩亦

以此自安皇甫溫至京師元載留之未遣因與溫及周

皓密謀誅朝恩

考異曰邪志五年春詔以寒食召郭公豐年令節思與大臣為樂時欲誅朝

恩因喻郭公朔方一軍有社稷勞宜以功卒數千人
朝朕因宴賞得以相識正月郭公以組甲三千人入覲
魚朝恩請公遊章敬寺公許之丞相元公意其相得使
諷邵吏請公無往邵吏自中書馳告郭公曰軍容將不
利於公亦告諸將須臾朝恩使至郭公將行士之衷甲
請從者三百人願備非常郭公怒曰我大臣也被非有
密旨安敢害我若天子之命爾曹胡為獨與僮僕十數
人赴之朝恩候之驚曰何車騎之省公以所聞對且曰
怨勞思慮耳軍容撫膺捧手嗚咽雪涕曰非公長者得
無疑乎按汾陽家傳子儀五月入朝七月至汾州或是
四年正月入朝時事於時未有誅朝恩之謀今不取家
傳又曰三月公上言魚朝恩潛結周智光為外應久掌
禁兵若不早圖禍
將作矣亦不取

既定計載白上上曰善圖之勿反受

禍三月癸酉寒食

荆楚歲時記冬至後一百四日一百
五日一百六日斷火謂之寒食初學

記曰琴操昔文公與介子綏俱亡文公復國子綏無所得作龍蛇之歌而隱文公求之不肯出乃燔左右木子綏抱木而死文公哀之令人五月五日不得舉火及周舉移書魏武明罰令陸翽業中記並云寒食斷火起於子推琴操所云子綏即推也又云五月五日與今有異皆因流俗所傳按左傳及史記並無子推被焚之事然周書司烜氏仲春以木鐸狗火禁於國中注云為李春將出火也今寒食準節氣是仲春之末清明是三月之初然則禁火並周制也

上置酒宴貴近於禁中載守中書省宴罷

朝恩將還營上留之議事因責其異圖朝恩自辯語頗

悖慢皓與左右擒而縊殺之

載祖亥翻又如字朝直遙翻還從宣翻又音如字悖

蒲林翻又蒲沒翻縊於賜翻又於計翻考異曰實錄是日初詔罷朝恩觀軍容等使更如實封留于禁中朝

恩既奉詔知負恩乃自縊又曰載遣腹心京兆尹崔昭等候朝恩出處會寒食宴近臣朝恩入謁有詔留之朝恩乃懼言頗悖戾上以舊恩矜貸不加嚴刑朝恩遂自縊新傳曰載用左常侍崔昭尹京兆厚以財結其黨皇甫溫周皓按實錄去年十一月乙卯並譴為京兆尹今年三月辛卯為左常侍未嘗言崔昭為京兆也奉詔自縊殆非其實新傳云周皓與左右擒縊之今從之外無知者上下詔罷朝恩觀

軍容等使內侍監如故詐云朝恩受詔乃自縊以尸還其家賜錢六百萬以葬丁丑加劉希暹王駕鶴御史中丞以慰安北軍之心丙戌赦京畿繫囚命盡釋朝恩黨與且曰北軍將士皆朕爪牙並宜仍舊

使疏吏翻進恩廉翻將即亮翻

朕今親御禁旅勿有憂懼 己丑罷度支使及闕内等道

轉運常平鹽鐵使其度支事委宰相領之

度徒洛 相息亮 翻

勅皇甫溫還鎮於陝

既誅魚朝恩不復以 溫鎮鳳翔陝失丹 翻

元載既誅

魚朝恩上寵任益厚載遂志氣驕溢每衆中大言自謂

有文武才略古今莫及弄權舞智政以賄成僭侈無度

吏部侍郎楊綰典選平允

綰選須 綰翻

性介直不附載嶺南節

度使徐浩貪而佞傾南方珍貨以賂載載以綰為國子

祭酒引浩代之浩越州人也載有丈人自宣州來

據 顧 古 古

漢書音義丈人尊老之稱蓋父執也載祖亥翻又如字使疏吏翻

從載求官載度其人

不足任事

度徒洛翻

但贈河北一書而遣之丈人不悅行至

幽州私發書視之書無一言惟署名而已丈人大怒不

得已試謁院僚

院僚使院僚屬也

判官聞有載書大驚

判官節度判官

立白節度使遣大校以箱受書館之上舍

校戶教翻館工喚翻

留

宴數日辭去贈絹千匹其威權動人如此 夏四月庚

子湖南兵馬使臧玠殺觀察使崔濯澧州刺史楊子琳

起兵討之取賂而還

澧音禮揚子琳自陝州遷澧州還從宣翻又音如字

涇原

節度使馬璘屢訴本鎮荒殘無以贍軍

璘離珍翻

上諷李抱

玉以鄭穎二州讓之乙巳以璘兼鄭穎節度使庚申王

縉自太原入朝

縉音晉朝直遙翻

癸未以左羽林大將軍辛

京杲為湖南觀察使荆南節度使衛伯玉遭母喪六

月戊戌以殿中監王昂代之伯玉諷大將楊鉢等拒昂

留已

鉢十律翻

甲寅詔起復伯玉鎮京南如故

秋七月京

畿饑

唐以京兆同華商邠岐為京畿

米斗千錢

劉希暹內常自疑

希暹

黨附魚朝恩朝恩死

有不遜語王駕鶴以聞九月辛未

故常自疑暹昔煥翻

賜希暹死 吐蕃寇永壽

吐從朕入聲永壽縣屬邠州古邠地漢為漆縣唐武德分

新平置永壽

冬十一月郭子儀入朝

郭子儀自邠入朝

上悉知

元載所為以其任政日久欲全始終因獨見深戒之載

猶不悛上由是稍惡之

載祖玄嗣又音如字見賢通翻惡烏路翻

載以李泌

有寵於上忌之言泌常與親故宴於北軍與魚朝恩親

善宜知其謀上曰北軍泌之故吏也

李泌從肅宗自靈武至鳳翔軍謀大

事泌皆預決故言北軍將校皆其故吏泌必翻

故朕使之就見親故朝恩之

誅泌亦預謀卿勿以為疑載與其黨攻之不已會江西

觀察使魏少遊求參佐上謂泌曰元載不容卿朕今遣

卿於魏少遊所

少詩
照翻

俟朕決意除載當有信報卿可束

裝來乃以泌為江西判官

江西觀
察判官

且屬少遊使善待之

屬之
欲翻

六年春二月壬寅河西隴右山南西道副元帥兼澤潞

山南西道節度使李抱玉上言

帥所類翻使疏
吏翻上時兩翻

凡所掌

之兵當自訓練今自河隴達於扶文綿亘二千餘里撫

御至難若吐蕃道岷隴俱下

吐從瞰入聲言蕃兵入寇
分道向岷隴二州而下

臣保固汧隴則不救梁岷進兵扶文則寇逼闕輔首尾不贍進退無從願更擇能臣委以山南使臣得專備隴

抵詔許之

汧口監翻
抵音底

郭子儀還邠州

邠從宣翻
又音如字

嶺

南蠻酋梁崇牽自稱平南十道大都統據容州

酋慈由
翻統他

綜翻俗音從上聲容州治番寧縣
漢合浦縣地今州西有容山而名

與西原蠻張侯夏永

等連兵攻陷城邑前容管經略使元結等皆寄治蒼梧

容管領辦白牢欽禺湯潯巖古等州在桂管西南
武德四年分靜州之蒼梧蒙靜置梧州首慈由翻經略

使王翊至藤州

翊戶
宏翻

以私財募兵不數月斬賊帥歐陽

珪馳詣廣州見節度使李勉請兵以復容州

嶺南節度使治廣州

兼統五管故詣之請兵師所類翻

勉以為難翊曰大夫如未暇出兵但

乞移牒諸州揚言出千兵為援冀藉聲勢亦可成功勉

從之翊乃與義州刺史陳仁瑾

宋白曰義州即漢蒼梧郡猛陵縣地隋為永熙

郡永業縣唐武德四年於此置南義州天寶改為連城郡乾元後為義州崔七罪翻

藤州刺史李

曉庭等結盟討賊

藤州治鍾津縣漢之猛陵縣也

翊募得三千餘人破

賊數萬衆攻容州拔之擒梁崇牽前後大小百餘戰盡

復容州故地分命諸將襲西原蠻

新書西原蠻居廣容之南邕桂之西

北接道州武岡依阻峒穴
綿地數千里將即亮翻

復鬱林等諸州先是番禺賊

帥馮崇道

先昔薦翻番禺漢縣唐帶廣州番山在州東三百步禺山在北一里因以名縣番音潘

桂州叛將朱濟時皆據險為亂陷十餘州官軍討之連

年不克李勉遣其將李觀與翊併力攻討悉斬之

觀古玩翻

三月五嶺皆平

河北旱米斗千錢

夏四月己未澧

州刺史楊子琳入朝上優接之賜名猷

澧音禮朝直遙翻

庚

申以典內董秀為內常侍

唐百官志太子內坊局令從五品下初內坊隸東宮開元

二十七年隸內侍省為局改典內曰令置丞掌坊事及導客內常侍正五品下

吐蕃請和庚

辰遣魚御史大夫吳損使於吐蕃

吐從獸入聲
使疎史翻

成都

司錄李少良上書言元載姦賊陰事

少始照翻上時掌
翻載祖亥翻又如

字上置少良於客省少良以上語告友人韋頌殿中侍

御史陸珽以告載載奏之上怒下少良頌珽御史臺獄

御史奏少良頌珽凶險比周離間君臣

下遐駕翻少時
照翻珽它頂翻

比毗至翻
間古覓翻

五月戊申勅付京兆皆杖死

秋七月丙午

元載奏凡別勅除文武六品以下官乞令吏部兵部無
得檢勘從之時載所奏擬多不遵法度恐為有司所駁

故也

載祖亥翻又音如字駁比角翻

八月丁卯淮西節度使李忠臣

將兵二千屯奉天防秋

使疏更翻將即亮翻又音如字秋高馬肥吐蕃數入寇唐歲調

關東之兵屯京西以防之謂之防秋

上益厭元載所為思得士大夫之

不阿附者為腹心漸收載權丙子內出制書以浙西觀

察使李栖筠為御史大夫宰相不知載由是稍絀

相息亮翻

絀勅律翻

九月吐蕃下青石嶺軍於那城

青石嶺在原州西那城即漢朝

那故城在原州花石川吐從瞰入聲

郭子儀使人諭之明日引退

是歲

以尚書右丞韓滉為戶部侍郎判度支自兵興以來所

在賦歛無度

高辰羊翻度徒洛翻歛力贍翻

倉庫出入無法國用虛耗

浼為人廉勤精於簿領作賦歛出入之法

浼呼廣翻

御下嚴

急吏不敢欺亦值連歲豐穰邊境無寇自是倉庫蓄積

始充浼休之子也

韓休開元中為相有直聲而浼以彊幹聞

七年春正月甲辰回紇使者擅出鴻臚寺

唐鴻臚寺在朱雀街西第

二街北來第一坊又北即西內宮城紇下沒翻

臚陵奴翻掠人子女所司禁之毆擊

所司以三百騎犯金光朱雀門

騎奇計翻金光門長安城西面中門朱雀門宮

城南門也

是日宮門皆閉上遣中使劉清潭諭之乃止

使疏

史

三月郭子儀入朝丙午還邠州

朝直遙翻還從宣

吳

夏四月吐蕃五千騎至靈州尋退

吐從暇入聲

五

月乙未赦天下

秋七月癸巳回紇又擅出鴻臚寺

紇

沒翻臚

逐長安令邵說至含光門街

西內宮城之外為皇城南面三門西

為金光門

說讀曰悅奪其馬說乘它馬而去弗敢爭

盧龍節度

使朱希彩既得位悖慢朝廷殘虐將卒孔目官李懷瑗

因衆怒伺間殺之

使疏吏翻悖蒲妹翻又蒲沒翻朝直

朱希彩殺李懷仙自立事

衆未知所從經略副使朱泚

見上卷三年瑗于緇

資治通鑑

三

營於城北其弟滔將牙內兵潛使百餘人於衆中大言

曰節度使非朱副使不可衆皆從之泚遂權知留後遣

使言狀

泚且禮翻又音此將即亮翻

冬十月辛未以泚為檢校左常

侍幽州盧龍節度使

左常侍左散騎常侍也

十二月辛未置永

平軍於滑州

八年春正月昭義節度使相州刺史薛嵩薨子平年十

二將士脅以為帥平偽許之既而讓其叔父鼐

相息亮翻帥所

類翻

夜奉父喪逃歸鄉里壬午制以鼐知留後 二

五各翻

月壬申永平節度使令狐彰薨彰承滑毫離亂之後治

軍勸農府廩充實

治直之翻

時藩鎮率皆跋扈獨彰貢賦未

嘗闕歲遣兵三千詣京西防秋自齎糧食道路供饋皆

不受所過秋毫不犯疾亟召掌書記高陽齊映

高陽漢縣屬涿

郡唐屬瀛州

與謀後事映勸彰請代人遣子歸私第彰從之

遺表稱昔魚朝恩破史朝義欲掠滑州臣不聽由是有
隙及朝恩誅值臣寢疾以是未得入朝生死愧負臣今
必不起倉庫畜牧先已封籍軍中將士州縣官吏按堵

待命

將即亮制朝直遙翻

伏見吏部尚書劉晏工部尚書李勉可

委大事願速以代臣臣男建等今勒歸東都私第彰蒙

將士欲立建建誓死不從舉家西歸三月丙子以李勉

為永平節度使吏部侍郎徐浩薛邕皆元載王縉之

黨浩妻弟侯莫陳恁為美原尉

載祖玄翻又如字縉音晉恁芳俱翻咸亨二年

分富平華原及同州之蒲城以故士門縣置美原縣浩屬京兆尹杜濟虛以知驛

奏優

奏優者言郵驛往來供給車馬薪芻糧用皆無闕乏優於餘縣也屬之欲翻

又屬邕擬

長安尉恁參臺御史大夫李栖筠劾奏其狀

筠俞輪翻劾戶蓋翻

又戶勅禮部侍郎萬年于幼等按之幼奏邕罪在赦前得翻

應原除上怒夏五月乙酉貶浩明州別駕邕歙州刺史

丙戌貶濟杭州刺史邵桂州長史朝廷稍肅

明州京師東南四千

一百里歙州京師東南三千六百六十七里杭州京師東南三千五百五十六里桂州京師水陸路四千七百

六十里歙音攝杭州剛翻長知兩翻考異曰實錄云侯莫陳慤為美原尉舊李栖筠傳云華原尉侯莫陳慤

以主郵傳優改長安尉又云栖筠劾奏皓等上依違未決屬月蝕上問其故對曰臣聞日蝕修德月蝕修刑今

誣上行私之罪未理此天之所以儆戒於明聖由是感寤坐慙者皆貶謫自此朝綱益振百度肅然按已丑月

乃食於未時也今不取

辛卯鄭王邈薨贈昭靖太子

邈上次子也

回紇自乾元以來歲求和市每一馬易四十縑動至數萬匹馬皆駕瘠無用朝廷苦之所市多不能盡其數回紇待遣繼至者常不絕於鴻臚至是上欲悅其意命盡市之秋七月辛丑回紇辭歸載賜遺及馬價共用車千餘乘

遺惟季翻
乘承正翻

八月己未吐蕃六萬騎寇靈武踐

秋稼而去

考異曰汾陽家傳八月吐蕃五千騎至靈州南士級渠公遣溫儒雅後政等連兵救之

九月大破之
今從寶錄

辛未幽州節度使朱泚遣弟滔將五千

精騎詣涇州防秋自安祿山反幽州兵未嘗為用滔至

上大嘉勞賜甚厚

勞力到翻

壬申回紇復遣使者赤心以

馬萬匹來求互市

復扶又翻

九月壬午循州刺史哥舒晃

殺嶺南節度使呂崇賁據嶺南反 癸未晉州男子郇

模

郇須倫翻古國名後世以國為姓

以麻辮髮持竹筐葦席哭於東市

人問其故對曰願獻三十字一字為一事若言無所取

請以席裹尸貯筐中棄於野京兆以聞上召見賜新衣

館於客省

時於右銀臺門置客省或四方奏計未遣者上書言事忤旨者及蕃客未報者皆館於其

中常數百人

其言團者請罷諸州團練使也監者請罷

館古玩翻

諸道監軍使也

監古
銜翻

魏博節度使田承嗣為安史父

子立祠堂謂之四聖

偽為
翻于

且求為相上令內侍孫知古

因奉使諷令毀之冬十月甲辰加承嗣同平章事以褒

之靈州破吐蕃萬餘衆吐蕃衆十萬寇涇邠郭子儀

遣朔方兵馬使渾瑊將步騎五千拒之庚申戰于宜祿

宋白曰宜祿本漢鶡觚縣地後魏熙平二年分鶡觚縣
置東陰盤縣廢帝元年以縣南臨宜祿川改為宜祿縣

九域志宜祿在邠州西六十里
子蓋奏到之日也邠志云十八日與唐厯合今從之瑊

登黃萑原

萑音倍黃萑草名蓋地
多黃萑草因以名原

望虜

句斷命據險布拒

馬以備其馳突宿將史抗溫儒雅等意輕賊不用其命

臧召使擊虜則已醉矣見拒馬曰野戰烏用此為命撤

之叱騎兵衝虜陳不能入而返

陳讀曰卑

虜躡而乘之官軍

大敗士卒死者什七八居民為吐蕃所掠千餘人甲子

馬璘與吐蕃戰於鹽倉又敗

鹽倉在涇州城西
曰邠志曰十月西戎寇汾

涇原節度使馬公襲之郭公使其將渾瑊率步騎五千

為之犄角十八日師登黃萓原望見吐蕃瑊急引其衆

前據衆險仍設拒馬槍以遏馳突之勢史抗溫儒雅等

宿將五六人任氣自負輕侮都將置酒高飲使人召之

至則皆醉矣見拒馬槍曰野地見賊須擊設此何為命

去之戎衆既陳抗等叱馬軍使馳賊既回自衝其軍吐

蕃驛背而入我師大敗卒之不死者什二三汾陽家傳
十月吐蕃四節度歷湟川過閬川南與渭河合軍公遣
渾瑊等前後相接以待之二十四日大戰於長武城我
師敗績瑊等突出乃免唐歷十八日吐蕃寇邠州瑊與
戰於宜祿官軍大敗二十二日馬璘出兵擊之又敗二
十七日已巳璘遣軍斫吐蕃營破之二十八日庚午詔
追諸道兵屯西郊十一月一日吐蕃退段公別傳曰八
年冬十月二十三日大戎入寇大戰於鹽倉我軍與朔
方兵馬使渾瑊之衆併力齊攻防秋諸軍望賊而退於
是我師不利今日從邠志唐歷段公家傳事從實錄舊
傳兼採
璘為虜所隔逮暮未還湟原兵馬使焦令誥等
諸書

與敗卒爭門而入或勸行軍司馬段秀實乘城拒守秀
實曰大帥未知所在當前擊虜豈得苟自全乎召令誥

等讓之曰軍法失大將麾下皆死諸君忘其死邪令譔

等惶懼拜請命

帥所類翻將即亮翻

秀實乃發城中兵未戰者悉

出陳於東原

陳讀曰陣

且收散兵為將力戰狀吐蕃畏之稍

却既夜璘乃得還郭子儀召諸將謀曰敗軍之罪在我

不在諸將然朔方兵精聞天下

聞音問

今為虜敗何策可

以雪

恥敗補賣翻

莫對渾瑊曰敗軍之將不當復預議

復扶又翻

下然願一言今日之事惟理瑊罪

理治也

不則再見任

不讀

曰子儀赦其罪使將兵趣朝那虜既破官軍欲掠汧隴

鹽州刺史李國臣曰虜乘勝必犯郊畿我倚其後虜必

返顧乃引兵趣秦原

括地志曰秦州清水縣有秦亭秦谷非子所封地也趣七喻翻

鳴

鼓而西虜聞之至百城返

百城即涇州靈臺縣之百里城

渾瑊邀之於

隘盡復得其所掠馬璘亦出精兵襲虜輜重於潘原

重

用殺數千人虜遂遁去

乙丑以江西觀察使路嗣恭

討哥舒翰

初元載嘗為西州刺史知河西隴右山川

形勢是時吐蕃數為寇

數所角翻

載言於上曰四鎮北庭既

治涇州無險要可守隴山高峻南連秦嶺

秦嶺即商嶺

北抵

大河今國家西境盡潘原而吐蕃戍推沙堡原州居其

中間當隴山之口其西皆監牧故地草肥水美平涼在

其東

唐原州治古高平當隴道之要漢光武取隴右先降高峻而後可以威隗囂赫連勃勃據高平乘間

以窺隴東嶺北得以病姚興誠要害之地也平涼縣屬原州西南即隴山之六盤關獨耕一縣可

給軍食故壘尚存吐蕃弃而不居每歲盛夏吐蕃畜牧

青海去塞甚遠若來間築之

間古覓翻

二旬可畢移京西軍

戍原州移郭子儀軍戍涇州為之根本分兵守石門木

峽

原州西南有木峽關州境又有石門關

漸開隴右進達安西據吐蕃腹

心則朝廷可高枕矣并圖地形獻之密遣人出隴山商

度功用

枕職仕翻
度徒洛翻

會汴宋節度使田神功入朝上問之

對曰行軍料敵宿將所難陛下奈何用一書生語欲舉

國從之乎戰尋得罪事遂寢

為後楊炎復議
城原州張本

有司以

回紇赤心馬多請市千匹郭子儀以為如此逆其意太

甚自請輸一歲俸為國市之

為子
偽翻

上不許十一月戊子

命市六千匹

資治通鑑卷二百二十四

欽定四庫全書

史部

資治通鑑卷二百二十五

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣嵇承志

謄錄監生臣陳振德

欽定四庫全書

資治通鑑卷二百二十五 宋 司馬光 撰

胡三省 音註

唐紀四十一

起開元攝提格盡屠維協洽七月凡五年有奇始甲寅終己未七月凡五年零

七月

代宗睿文孝武皇帝中之下

大歷九年春正月壬寅田神功薨於京師

田神功入朝見上卷上年

澧朗鎮遏使楊猷自澧州沿江而下擅出境至鄂州

詔聽入朝猷遂沂漢江而上

澧音禮使疏吏翻朝直遙翻沂蘇故翻下返稼翻上

時掌

復州郢州皆閉城自守

復郢二州皆賓漢此時蓋為山南東道巡屬守式又

翻山南東道節度使梁崇義發兵備之 二月辛未徐

州軍亂刺史梁乘逾城走

徐州治彭城

諫議大夫吳損使

吐蕃留之累年竟病死虜中

吐從暇入聲損出使見上卷六年

庚辰

汴宋兵防秋者千五百人盜庫財潰歸

汴皮變翻考異曰唐歷作十

日己酉按長歷是月庚午朔十日乃己卯也今從實錄

田神功薨故也已丑以神

功弟神玉知汴宋留後

癸巳郭子儀入朝上言朔方

國之北門中間戰士耗散什纔有一今吐蕃兼河隴之

地雜羌渾之衆

朝直遙翻史昭曰羌黨項之屬渾吐谷渾也

勢強十倍願更

於諸道各發精卒成四五萬人則制勝之道必矣三

月戊申以皇女永樂公主許妻魏博節度使田承嗣之

子華

樂音洛妻七細翻嗣祥吏翻

上意欲固結其心而承嗣益驕慢

史言狼子野心不可以恩結

以澧朗鎮遏使楊猷為洮州刺史隴右

節度兵馬使

澧音禮使疏吏翻洮土刀翻洮州時已陷吐蕃楊猷特領刺史耳

夏四

月甲申郭子儀辭還邠州

子儀自邠入朝今還還從宣翻又音如字考異曰唐歷

作癸未今從實錄

復為上言邊事

復扶又翻為于偽翻下為已仍為同

至涕泗交

流 壬辰赦天下 五月丙午楊猷自澧州入朝

是年正月

已書楊猷離澧州松江沂漢今方至京師朝直遙翻

涇原節度使馬璘入朝諷

將士為已表求平章事

璘離珍翻將即亮翻

丙寅以璘為左僕射

璘離珍翻

六月盧龍節度使朱泚遣弟滔奉表請入朝且

請自將步騎五千防秋上許之

泚且禮翻又音此將即亮翻又音如字騎奇寄

翻仍為先築大第於京師以待之

癸未興善寺胡僧

不空卒贈開府儀同三司司空賜爵肅國公謚曰大辯

正廣智不空三藏和尚

釋典云佛在多羅奈最初為五

祇最初為須那提說毗尼藏佛在毗舍離獼猴池最初

為跋耆說阿毗曇藏五百羅漢夜集阿毗曇相續解說

經此為三藏學又三藏學經律論也卒子恤翻藏徂浪翻

京師旱京兆尹黎幹作

土龍祈雨自與巫覡更舞

覡更刑狄翻工衡翻

彌月不雨又禱於

文宣王上聞之命撤土龍減膳節用秋七月戊午雨

朱泚入朝至蔚州有疾

蔚紆勿翻此自幽州西出山後取太原路入朝宋白曰蔚州西

南至代州四百六十里

諸將請還俟閒而行

待病閒而行也將即亮翻閒讀如字

曰死則輿尸而前諸將不敢復言

復扶又翻

九月庚子至京

師士民觀者如堵

安史亂後河北諸師阻兵不朝朱泚之來長安士民以為美事

辛丑

宴泚及將士於延英殿

盧文紀曰上元以來置延英殿或宰相欲有奏對或天子欲有

容度皆非時召見程大昌曰高宗初荆蓬萊宮諸門殿亭皆已立名至上元二年延英殿當御座生玉芝則是

初有大明宮即有延英殿顧召對宰臣則始於代宗耳代宗以苗晉卿年老蹇甚聽入閣不趨為御延英此優

禮也案六典宣政殿前西上閣門之西即為延英門延英門之左即延英殿故陽城欲救陸贄約拾遺王仲舒

守延英殿上疏伏閣不去也

犒賞之盛近時未有

壬寅回紇擅出

鴻臚寺白晝殺人

乾下沒翻臚陵如翻

有司擒之上釋不問

甲

辰命郭子儀李抱玉馬璘朱泚分統諸道防秋之兵

璘離

珍翻
翻又
泚音
且此
禮

冬十月壬申信王璿薨乙亥梁王璿薨

二王皆玄宗子信以州為國名
璿戶盲翻又音皇璿似宣翻

魏博節度使田承嗣

誘昭義將吏使作亂

使疏吏翻嗣祥
吏翻誘羊久翻

十年春正月丁

酉昭義兵馬使裴志清逐留後薛平帥其衆歸承嗣讀帥

帥讀

率曰承嗣聲言救援引兵襲相州取之

相息亮
翻下同

𨔵奔洛州

名洛音 上表請入朝許之

朝上
直時
遙掌
翻翻

辛丑郭子儀入朝

壬寅壽王琯薨

音莫報翻

乙巳朱泚表請留闕

下以弟滔知幽州盧龍留後許之昭義裨將薛擇為

相州刺史薛雄為衛州刺史薛堅為洺州刺史皆薛嵩

之族也

相衛洺本皆昭義巡屬

戊申上命內侍魏知古如魏州諭

田承嗣使各守封疆承嗣不奉詔癸丑遣大將盧子期

取洺州楊光朝攻衛州 乙卯西川節度使崔寧奏破

吐蕃數萬於西山

吐從賊入聲

斬首萬級捕虜數千人 丙

辰詔諸道兵有逃亡者非承制勅無得輒召募 二月

乙丑田承嗣誘衛州刺史薛雄雄不從使盜殺之屠其

家盡據相衛四州之地

相衛已陷於承嗣磁洺雖未下而承嗣已據其地相衛二州自此屬

博魏

自置長吏掠其精兵良馬悉歸魏州逼魏知古與共

巡磁相二州

磁疾之翻

使其將士割耳髻面

髻力之翻

請承嗣為

帥

帥所類翻下同

辛未立皇子述為睦王逾為柳王連為恩

王邁為廊王

柳丑林翻廊芳無翻

迅為隨王造為忻王暹為韶王

運為嘉王遇為端王適為循王

通余律翻

通為恭王達為原

王逸為雅王

諸皇子皆以州為王國名

丙子以華州刺史李承昭

知昭義留後

華戶化翻

河陽三城使常休明

河陽縣本屬懷州顯慶二

年分屬河南府城臨大河長橋架水古稱設險此城後魏之北中城也東西魏兵爭又築中潭及南城謂之河

陽三城乾元中史思明再陷東京李光弼以重兵守河陽及雍王平賊令魚朝恩守河陽乃以河南之河清濟源溫四縣租稅入河陽三城使河南尹但禮

領其縣額尋又以汜水軍賦屬之使疏吏

翻

苛刻少恩

其軍士防秋者歸休明出城勞之

少詩沼翻勞力到翻

防秋兵與

城內兵合謀攻之休明奔東都軍士奉兵馬使王惟恭為帥大掠數日乃定上命監軍冉庭蘭慰撫之

監古衡翻

三月甲午陝州軍亂逐兵馬使趙令珍

陝失冉翻異曰唐厯三月

考

二十八日辛卯陝州軍亂實錄唐統紀云甲午朔今從之

觀察使李國清不能禁卑

辭徧拜將士乃得脫去

陝失冉翻將即亮翻

軍士大掠庫物會淮

西節度使李忠臣入朝過陝

朝直遙翻
過古禾翻

上命忠臣按之

將士畏忠臣兵威不敢動忠臣設棘圍令軍士匿名投

庫物

設棘四圍周之令投
所掠庫物於其中

一日獲萬緡盡以給其從兵

為賞

緡眉巾翻
從才用翻

乙巳薛嵩常休明皆詣闕請罪上釋

不問初成德節度使李寶臣淄青節度使李正己皆

為田承嗣所輕

使疏吏翻
持翻嗣祥吏翻

寶臣弟寶正娶承嗣女

在魏州與承嗣子維擊毬馬驚誤觸維死承嗣怒囚寶

正以告寶臣寶臣謝教勅不謹封杖授承嗣使撻之承

嗣遂杖殺寶正由是兩鎮交惡及承嗣拒命寶臣正已

皆上表請討之

上時掌翻

上亦欲因其隙討承嗣夏四月乙

未勅貶承嗣為永州刺史

永州漢零陵郡隋廢郡為永州

仍命河東成

德幽州淄青淮西永平汴宋河陽澤潞諸道發兵前臨

魏博若承嗣尚或稽違即令進討罪止承嗣及其姪悅

自餘將士弟姪苟能自拔一切不問

令力丁翻將即亮翻

時朱滔方

恭順與寶臣及河東節度使薛兼訓攻其北正已與淮

西節度使李忠臣等攻其南五月乙未承嗣將霍榮國

以磁州降

磁州滏陽郡本漢廣平縣地隋廢郡於滏陽縣置磁州治滏陽本漢成安縣地將即亮翻

降戶江翻下同磁牆之翻

丁未李正己攻德州拔之

德州自此屬平盧軍

李忠

臣統永平河陽懷澤步騎四萬進攻衛州

統地綜翻俗讀從上聲

六月辛未田承嗣遣其將裴志清等攻冀州志清以其

衆降李寶臣甲戌承嗣自將圍冀州寶臣使高陽軍使

張孝忠將精騎四千禦之寶臣大軍繼至承嗣燒輜重

而遁

重直用翻冀州治信都縣將即亮翻又音如字騎奇寄翻高陽軍當置于瀛州高陽縣兵志橫海北

平高陽等軍皆屬平盧道盖安史之亂以兵授孝忠本

張孝忠統制而屬於李寶臣因授高陽軍使耳

奚也

張孝忠奚人世為乙失活部酋長

田承嗣以諸道兵四合部將

多叛而懼秋八月遣使奉表請束身歸朝

嗣祥吏翻將即亮翻使疎

吏翻朝直遙翻

辛巳郭子儀還邠州

入朝而還所鎮還從宣翻又音如字邠卑旻翻

考異曰汾陽家傳作丁丑今從實錄

子儀嘗奏除州縣官一人不報僚

佐相謂曰以令公勲德奏一屬吏而不從何宰相之不
知體子儀聞之謂僚佐曰自兵興以來方鎮武臣多跋
扈凡有所求朝廷常委曲從之此無它乃疑之也今子
儀所奏事人主以其不可行而置之是不以武臣相待

而親厚之也諸君可賀矣又何怪焉聞者皆服史言郭子儀忠

純

己丑田承嗣遣其將盧子期寇磁州將即亮翻

磁牆之翻

九月戊申回紇白晝刺市人腸出

紇下沒翻刺七亦翻

有司執之

繫萬年獄其酋長赤心馳入縣獄酋才由翻長知兩翻斫傷獄吏

劫囚而去上亦不問壬子吐蕃寇臨涇吐從瞰入聲臨涇漢縣屬

安定郡隋大業初改曰湫谷縣尋復曰臨涇縣唐屬涇州癸丑寇隴州及普潤大掠

人畜而去百姓往往遣家屬出城竄匿丙辰鳳翔節度

使李抱玉奏破吐蕃於義寧隴州華亭縣大厯八年置義寧軍

李寶

臣正己會于康強

康強縣前漢屬清河郡後漢省晉復置屬廣川郡魏隋以來屬冀州

進

圍貝州田承嗣出兵救之兩軍各饗士卒成德賞厚平

盧賞薄既罷平盧士卒有怨言正己恐其為變引兵退

寶臣亦退李忠臣聞之釋衛州南度河屯陽武

陽武縣屬鄭州

本原武城武德四年置陽武縣北至衛州五十許里

寶臣與朱滔攻滄州承嗣從

父弟庭玠守之

從才用翻

寶臣不能克

吐蕃寇涇州涇原

節度使馬璘破之於百里城

吐從璘入聲使疏吏翻璘離珍翻

考異曰汾陽家

傳九月吐蕃略潘原西而還八日至小石門白草川十八日下朝那川二十三日里城營支磨原入華亭十

月公遣渾瑊李懷光與幽州義寧汴宋軍會
于故平涼縣三日詰朝大破之今從實錄
戊午命盧

龍節度使朱泚出鎮奉天行營
泚又音此
冬十月辛

酉朔日有食之
盧子期攻磁州
磁牆之翻考異曰舊李寶臣傳作攻邢

州今從實錄
城幾陷
幾居依翻
李寶臣與昭義留後李承昭共救

之大破子期於清水
按新書田承嗣傳清水作臨水晉置臨水縣於溢口之右屬廣平郡

後魏及隋屬魏郡唐初省永泰元年薛嵩表于臨水故城置昭義縣屬磁州
擒子期送京師

斬之河南諸將又大破田悅于陳留
陳留漢縣後魏廢隋開皇六年復置

時屬汴州九域志在州東五十二里將即亮翻
田承嗣懼初李正己遣使至魏

州承嗣囚之至是禮而遣之遣使盡籍境內戶口甲兵

穀帛之數以與之曰承嗣今年八十有六

嗣祥吏翻考異曰按承

嗣卒時年七十五此云八十六蓋欺正已

溘死無日

溘口答翻奄也莊子曰溘然而死謂奄然也

諸子不肖悅亦孱弱

孱弱山翻

凡今日所有為公守耳

偽為于翻

宣足以辱公之師旅乎立使者於庭南向拜而授書又

圖正己之像焚香事之正己悅遂按兵不進於是河南

諸道兵皆不敢進承嗣既無南顧之虞得專意北

方上嘉李寶臣之功遣中使馬承倩齎詔勞之

勞力到翻

將還寶臣詣其館遺之百縑

遺于李翻

承倩詬詈擲出道中

寶臣慙其左右

為承倩詈辱顧見左右而自慙也詬許候翻又古候翻

兵馬使王

武俊說寶臣曰

使疎吏翻說式為翻下客說同

今公在軍中新立功豎

子尚爾况寇平之後以一幅詔書召歸闕下一匹夫耳

不如釋承嗣以為己資寶臣遂有玩寇之志承嗣知范

陽寶臣鄉里心常欲之

寶臣本范陽內屬奚范陽將張瑣高畜為假子因冒其姓歸唐

又賜姓李

因刻石作識云二帝同功勢萬全將田為侶入幽

燕密令瘞寶臣境內

識楚譜翻瘞於計翻

使望氣者言彼有王氣

寶臣掘而得之又令客說之曰公與朱滔共取滄州得之則地歸國非公所有公能捨承嗣之罪請以滄州歸公仍願從公取范陽以自効公以精騎前驅承嗣以步卒繼之蔑不克矣

令力丁翻說式芮翻騎奇寄翻

寶臣喜謂事合符讖

遂與承嗣通謀密圖范陽承嗣亦陳兵境上寶臣謂滔

使者曰聞朱公儀貌如神願得畫像觀之滔與之寶臣

置于射堂與諸將共觀之曰真神人也滔軍於瓦橋

將即

亮翻瓦橋古易京之地在冀州北三十里唐置瓦橋關宋白曰涿州歸義縣瓦子濟橋在涿州南易州東當九

河之末舊置瓦橋關後周置雄州

寶臣選精騎二千通夜馳三百里襲

之戒曰取貌如射堂者時兩軍方睦滔不虞有變狼狽

出戰而敗會衣它服得免

既衣於翻

寶臣欲乘勝取范陽滔

使雄武軍使昌平劉怱守留府

怱普耕翻

寶臣知有備不敢

進承嗣聞幽恒兵交即引軍南還

嗣祥吏翻

還從宣翻又音如字

使謂寶臣曰河內有警不暇從公石上識文吾戲為之

耳寶臣慙怒而退

功

考異曰舊王武俊傳曰代宗嘉其使中貴人馬承倩齎詔宣勞承倩

將歸止傳舍寶臣親遺百縑承倩詬罵擲出道中王武俊勸玩養承嗣以為已資寶臣曰今與承嗣有釁矣可

推腹心武武俊曰勢同患均轉寇讎為父子款唾間耳
若傳虛言無益也今中貴人劉清譚在驛斬首送承嗣
承嗣立質妻孥矣寶臣曰吾不能如此武俊曰朱滔為
國屯兵滄州請擒送承嗣以取信許之按承嗣方求解
于寶臣何必擒滔以取信且承倩尚在傳舍武俊何不
勸斬承倩而斬清譚乎寶臣自以承嗣誘之共取幽州
之辱也今從唐紀

寶臣既與朱滔有隙以張孝忠為

易州刺史使將精騎七千以備之

史言田承嗣凶狡過于諸帥宋白曰易州

東至幽州二百一十四里將即亮翻又音如字騎奇寄翻

丙寅貴妃獨孤氏薨丁

卯追謚貞懿皇后

謚神至翻

十一月丁酉田承嗣將吳希

光以瀛州降

嶺南節度使路嗣恭擢流人孟瑤敬冕為

將考異曰鄴侯家傳討哥舒晃瑤以大軍當其衝晃

作敬俛今從舊傳

自間道輕入

間古覓翻
輕墟正翻

丁未克廣州斬哥舒晃

曰舊嗣

恭傳云嗣恭平廣州商舶之徒多因晃事誅之嗣恭前
後沒其家財寶數百萬貫盡入私室不以貢獻代宗心
甚銜之故嗣恭雖有平方面功止轉檢校兵部尚書無
所酬勞建中實錄曰自兵興以來諸軍殺將帥而要君
者多矣皆因授其任以苟安之其王師征討不失有罪
始斯役也既而有謗其收南海府庫聞上不實不得用
久之按代宗以嗣恭附元載遺載瑠璃盤惡之故不用
耳事見鄴侯家傳或當時亦有人迎合以匿貨謗嗣恭
不可知也今不取李肇國史補云路嗣恭初平五嶺元
載奏嗣恭多取南人金寶是欲為亂陛下不信試召必
不入朝三伏中追詔至嗣恭不慮請待秋涼以修覲禮
江西判官柳渾入雨泣曰公有功方暑而追是為執政

所中今少遷延必族滅也嗣恭懼曰為之奈何渾曰健步追還表緘公今日過江宿石頭驛乃可從之代宗謂元載曰嗣恭不俟駕行矣載無以對按嗣恭素附元載載誅賴李泌營救得免事見鄴侯家傳載豈有譖嗣恭云欲為亂之理蓋載已被誅而召嗣恭適在三代渾有此疑時人因以為渾美事耳今不取余按去年命路嗣恭為嶺南節度使討哥舒晃嗣恭既誅晃而平廣州則當在廣州柳渾若以江西判官從嗣恭亦當在廣州今諫嗣恭請奉詔就道乃言過江宿石頭驛石頭驛在豫章江之西岸嗣恭自江西觀察赴召可言宿石頭驛自嶺南節度赴召安得宿石頭驛哉亦可以明李肇之誤及其黨萬餘人嗣恭之討

晃也容管經略使王雄遣將將兵助之西原賊帥覃問

乘虛襲容州

姓譚梁有東寧州刺史覃元先則蠻中有覃姓尚矣

翊伏兵擊擒之

十二月回紇千騎寇夏州

考異曰此事出汾陽家傳實錄新舊紀皆無之按

實錄明年二月加朔方戍兵以備回紇則是回紇嘗入寇也

州將梁崇宗破之於烏

水

烏水在夏州朔方縣貞觀七年開延化渠引烏水入庫狄澤將即亮翻

郭子儀遣兵三

千救夏州回紇遁去

夏戶雅翻紇下沒翻

元載王縉奏魏州鹽

貴請禁鹽入其境以困之

載祖亥翻又音如字縉音晉

上不許曰承

嗣負朕百姓何罪

田承嗣請入朝李正己屢為之上

表乞許其自新

嗣祥吏翻朝直遙翻為于偽翻上時掌翻

十一年春正月壬辰遣諫議大夫杜亞使魏州宣慰

使疎

吏翻

辛亥西川節度使崔寧奏破吐蕃四節度及突厥

吐谷渾氏羌羣蠻衆二十餘萬斬首萬餘級

吐從厥入聲厥九勿

翻

二月庚辰田承嗣復遣使上表請入朝

復扶又翻

上乃

下詔赦承嗣罪復其官爵聽與家屬入朝其所部拒朝

命者一切不問 辛巳增朔方五城戍兵以備回紇

朔方

先統三受降城并振武豐安定遠為六城時三受降城屬振武軍使朔方統豐安定遠新昌豐寧保寧謂之塞

下五城統下沒翻

三月戊子河陽軍亂逐監軍冉庭蘭出城

大掠三日庭蘭成備而入誅亂者數十人乃定

監古銜翻

五月汴宋留後田神玉卒都虞候李靈曜殺兵馬使濮

州刺史孟鑒北結田承嗣為援

汴皮變翻卒子恤翻使疎吏翻濮博木翻嗣祥

使癸巳以永平節度使李勉兼汴宋等八州留後

汴宋曹濮

兗鄆徐泗八州濮博木翻

乙未以靈曜為濮州刺史靈曜不受詔六

月戊午以靈曜為汴宋留後遣使宣慰 秋七月田承

嗣遣兵寇滑州敗李勉

滑州永平節度治所敗補邁翻

吐蕃寇石門

入長澤川

長澤川後魏置闡熙郡隋廢郡為長澤縣屬夏州吐蕃寇原州遂北入夏州界也宋白曰

長澤縣漢朔方郡三封縣之地三封故城赫連勃勃據之築為統萬城又按原州北有長澤監吐從墩入聲

八月丙寅加盧龍節度使朱泚同平章事

考異曰實錄閏八

月己亥遣朱泚如奉天行營按去年已云泚出鎮奉天行營至此又云明年九月又云蓋泚每年往奉天防秋

至春還京師但實錄不載其入朝耳

李靈曜既為留後益驕慢悉以其

黨為管內八州刺史縣令欲效河北諸鎮甲申詔淮西

節度使李忠臣永平節度使李勉河陽三城使馬燧討

之淮南節度使陳少游淄青節度使李正己皆進兵擊

靈曜汴宋兵馬使攝節度副使李僧惠

少始照翻考異曰汾陽家傳

作李思惠靈曜之謀主也宋州牙門將劉昌遣僧神表

今從舊傳

潛說僧惠僧惠召問計昌為之泣陳逆順

將即亮翻說式為翻為于

偽翻

僧惠乃與汴宋牙將高憑石隱金遣神表奉表詣京

師請討靈曜九月壬戌以僧惠為宋州刺史憑為曹州

刺史隱金為鄆州刺史乙丑李忠臣馬燧軍于鄭州

汴皮

變翻鄆音運

鄆

靈曜引兵逆戰兩軍不意其至退軍滎澤

隋分滎陽

縣置滎澤縣唐屬鄭州九域志在州西北四十五里

淮西軍士潰去者什五六鄭

州士民皆驚走入東都忠臣將歸淮西燧固執不可曰
以順討逆何憂不克奈何自弃功名堅壁不動忠臣聞

之稍收散卒數日皆集軍勢復振

史言李忠臣因馬燧以成功復扶又翻

戊辰李正己奏克鄆濮二州壬申李僧惠敗靈曜兵于

雍丘

濮博木翻敗補邁翻下敗永同

冬十月李忠臣馬燧進擊靈曜忠

臣行汴南燧行汴北屢破靈曜兵壬寅與陳少游前軍

合與靈曜大戰於汴州城西靈曜敗入城固守癸卯忠

臣等圍之田承嗣遣田悅將兵救靈曜敗永平淄青兵

於匡城

少始照翻匡城漢長垣縣隋開皇十六年更名時屬滑州

乘勝進軍汴州營

於城北數里丙午忠臣遣裨將李重倩將輕騎數百夜

入其營縱橫貫穿

縱子容翻穿尺絹翻

斬數十人而還

還從宣翻又如字

營中大駭忠臣燧因以大軍乘之鼓譟而入悅衆不戰

而潰悅脫身北走將士死者相枕藉不可勝數

譟則竈翻枕職

任翻勝音升

靈曜聞之開門夜遁汴州平重倩本奚也

丁未靈曜至韋城

隋分白馬縣置韋城縣於古韋國之墟故曰韋城時屬滑州九域志韋城

縣在滑州東南五十里

永平將杜如江擒之燧知忠臣暴戾以已

功讓之不入汴城

將即亮翻汴皮變翻

引軍西屯板橋忠臣入城

果專其功宋州刺史李僧惠與之爭功忠臣因會擊殺

之又欲殺劉昌昌遁逃得免甲寅李勉械送李靈曜至

京師斬之十二月丁亥李正己李寶臣並加同平章

事涇原節度使馬璘疾亟以行軍司馬段秀實知節

度事付以後事秀實嚴兵以備非常丙申璘薨

使疎吏
翻璘離

珍翻

考異曰實錄庚寅璘薨段公別傳曰十二月景

申馬公薨十二年正月八日奉制除涇州刺史知節度

事實錄又云丁酉以段秀實知河東留後按時馬璘新

薨秀實涇原留後備禦吐蕃豈可撤之使攝河東蓋奏

報未至有斯命尋聞璘薨

軍中奔哭者數千人喧咽門

遂除涇原耳並紀力翻

屏秀實悉不聽入命押牙馬頔治喪事於內

頔徒歷翻
治直之翻

李漢惠接賓客於外妻妾子孫位於堂宗族位於庭將

佐位於前牙士卒哭於營伍百姓各守其家有離立偶語

於衢路輒執而囚之

記曲禮曰離立者不出中間注云離兩也

非護喪從行

者無得遠送致祭拜哭皆有儀節送喪近遠皆有定處

違者以軍法從事都虞候史廷幹兵馬使崔珍十將張

景華謀因喪作亂秀實知之奏廷幹入宿衛徙珍屯靈

臺補景華外職不戮一人軍府晏然

自高仙芝喪師於大食段秀實始見

於史其後責李嗣業不赴難湓水之潰保河清以濟歸師在邠州誅郭晞暴橫之卒與馬璘議論不阿及治喪

曲防周慮以安軍府最後笏擊朱泚以身璘家富有無

甸國其事業風節卓然表出於唐諸將中

算治第京師甲於勲貴

以功勲致貴顯故中堂費二十

萬緡它室所減無幾

幾居

其子孫無行

行下

家貲尋盡

史言殖貨無厭者適以爲不肖子孫之資

戊戌昭義節度使李承昭表稱

疾篤以澤潞行軍司馬李抱真兼知磁邪兩州留後

使

吏翻磁牆之翻

庚戌加淮西節度使李忠臣同平章事仍領

汴州刺史治汴州

李忠臣破李靈曜得汴州即以與之汴皮變翻

十二年春三月乙卯兵部尚書同平章事鳳翔懷澤潞

秦隴節度使李抱玉薨

尚辰羊翻

弟抱真仍領懷澤潞留後

癸亥以河東行軍司馬鮑防為河東節度使防禦州

人也 田承嗣竟不入朝又助李靈曜上復命討之承

嗣乃復上表謝罪

嗣祥吏翻朝直遙翻復扶又翻上時掌翻

上亦無如之何

庚午悉復承嗣官爵仍令不必入朝

丁令翻

中書侍郎

同平章事元載專橫

載祖亥翻又音如字橫戶孟翻

黃門侍郎同平章

事王縉附之二人俱貪載妻王氏

載妻王忠嗣之女縉音晉

及子伯

和仲武縉弟妹及尼出入者爭納賄賂

尼女夷翻

又以政事

委羣吏士之求進者不結其子弟及主書卓英倩等無

由自達上含容累年載縉不悛悛丑緣翻上欲誅之恐左右

漏泄無可與言者獨與左金吾大將軍吳湊謀之湊上

之舅也吳湊章敬皇后弟也會有告載縉夜醺圖為不軌者庚辰

上御延英殿命湊收載縉於政事堂政事堂在東省屬門下自中宗後徙堂

於中書省則堂在右省也案裴炎傳故事宰相於門下省議事謂之政事堂故長孫無忌為司空房玄齡為僕

射魏徵為太子太師皆知門下省事至中宗時裴炎為中書令執政事筆故徙政事堂於中書省載祖亥翻又

縉音如字又收仲武及卓英倩等繫獄命吏部尚書劉晏

與御史大夫李涵等同鞠之

尚辰羊翻

問端皆出禁中

問端猶今

言問頭也

仍遣中使詰以陰事載縉皆伏罪

使疎吏翻詰去吉翻

是日

先杖殺左衛將軍知內侍省事董秀於禁中乃賜載自

盡於萬年縣載請主者願得快死主者曰相公須受少

污辱

相息亮翻少詩沼翻

勿恠乃脫穢襪塞其口而殺之

穢勿伐翻足衣

塞悉則翻

王縉初亦賜自盡劉晏謂李涵等曰故事重刑覆

奏況大臣乎且法有首從

首謂罪首從謂從坐從才用翻

宜更稟進止

涵等從之上乃貶縉枯州刺史

宋白曰枯州晉為永嘉郡隋改處州尋為枯州

因括蒼山為名劉昫曰京師東南四千二百七十八里

載妻王氏忠嗣之女也及

子伯和仲武李能皆伏誅有司籍載家財胡椒至八百

石

嗣祥吏翻本草曰胡椒生西戎形如鼠李子調食用之味甚辛辣徐表南中記曰生南海諸國

它物

稱是

稱尺證翻

夏四月壬午以太常卿楊綰為中書侍郎

禮部侍郎常袞為門下侍郎並同平章事綰性清儉簡

素制下之日朝野相賀郭子儀方宴客聞之減坐中聲

樂五分之四

朝直遙翻坐狙臥翻

京兆尹黎幹駟從甚盛

駟从尤翻從才

用翻即日省之止存十騎中丞崔寬第舍宏侈亟毀撤之

癸未貶吏部侍郎楊炎諫議大夫韓洄包佶

佶巨乙翻

起居

舍人韓會等皆載黨也炎鳳翔人載常引有文學才望

者一人親厚之異日欲以代已故炎及于貶

載祖亥翻又音如字

洄滉之弟會南陽人也上初欲盡誅炎等吳湊諫救百

端始貶官丁酉吐蕃寇黎雅州

武后大足元年以雅州之漢源飛越雋州

之陽山置黎州吐從噉入聲西川節度使崔寧擊破之元載以仕

進者多樂京師惡其逼已

樂音洛惡烏路翻

乃制俸祿厚外官

而薄京官京官不能自給常從外官乞貸楊綰常袞奏

京官俸太薄

得他代翻又土
翻俸扶用翻

已酉詔加京官俸歲約十

五萬六千餘緡

唐會要開元二十四年勅百官料錢宜
合為一色都以月俸為名各據本官隨

月給付一品三十千二品二十四千三品十七千四品
十一千五品九千二百六品五千三百七品四千五十

八品二千四百七十五九品一千九百一十七至大歷
十二年加京官俸三師三公侍中中書令每月各一百

二十貫文中書門下侍郎月各一百貫文東宮三太左
右僕射各八十貫文東宮三少各七十貫文尚書御史

大夫太常卿各六十貫文常寺正卿太子詹事國子
祭酒各五十貫文左右丞及諸司侍郎給舍中丞賓客

殿中祕書監司農等卿將作等監各四十五貫文太子
庶子太常少卿各四十貫文諫議諸司少卿少監各

三十五貫文國子司業內侍東宮三卿各三十貫文郎
中侍御史司天監少詹事諸王傳國子博士諭德中允

中舍殿中祕書太常宗正卿各二十五貫文殿中侍御史著作郎大理正都水使者總監內常侍內給事各二十貫文員外郎通事舍人起居王府長史各十八貫文監察御史臺主簿補闕王府司馬司天少監太子典內太常博士主簿宗正主簿門下錄事中書主書各十五貫文拾遺司議太子文學祕書著作佐郎國子太學四門廣文博士大理司直詹事府丞及諸寺監丞謁者監中書門下主事各十二貫文洗馬贊善諸寺監主簿詹事府司直各十貫文評事八貫文諸校正各六貫文諸奉御九成總監諸王諮議及諸陵令各六貫文二百文城門符寶國子助教六局郎王府掾屬太常侍醫文學錄事參軍主簿記室諸衛及六軍長史兩市令諸副總監武庫署令太公廟令各五貫三百文太子通事舍人東宮三寺丞太學廣文助教內坊丞諸直長內寺伯千牛衛及諸率府長史諸陵丞諸陵署諸王府判司司竹溫泉監尚書都事都水及諸總監丞司天臺丞太子侍醫

諸司上局署令王府國令苑四面副監公主邑司令各
四貫一百一十六文國子四門助教律醫學博士協律
郎內謁者諸衛六軍左右衛率府等衛佐諸王府參軍
大農都省兵吏禮房考功主事春坊錄事司竹副監諸
司中局署令都水主簿諸司上局署及監廟司丞司天
臺靈臺郎保章挈壺正太常針醫及醫監尚醫局司醫
各二貫四百七十文太祝奉禮省中諸行主事門下典
儀御史臺殿中祕書內侍省春坊詹事府主事諸寺監
諸衛六軍諸司錄事諸司中局署丞及大理獄丞諸司
監作監事諸率府錄事殿中省醫佐食醫奉輦司庫司
廩奉乘鴻臚寺掌客司儀太僕主乘內坊典直司天臺
司辰司厯監內侍省宮教博士東宮三寺主簿太常太
樂鼓吹丞醫正按摩咒禁卜筮博士及針醫卜助教國
子書算博士及助教諸王府國丞尉諸總監主簿各一
貫九百一十七文武官左右金吾將軍各四十貫文諸衛大將
文六軍大將軍左右金吾將軍各四十貫文諸衛大將

軍六軍將軍各三十貫文諸衛將軍各二十五貫文諸
衛及六軍中郎將諸率府率副率各一十貫五百六十
七文諸衛及六軍司陸千牛及左右備身各五貫三百文諸
衛及六軍中候太子千牛各四貫一百六十六文諸衛
及六軍司戈太子備身各二貫四百七十五文諸衛及
六軍執戟及長上各一貫九百一十七文京兆及諸府
尹各八十貫文少尹兩縣令各五十貫文奉先昭應醴
泉等縣令司錄各四十五貫文畿令各四十貫文判司
兩縣丞各三十五貫文兩縣簿尉奉先等縣丞各三十
貫文奉先縣簿尉諸畿令各二十五貫文畿簿尉各二
十貫文參軍文學博士錄事各一十貫文應給百司正
員文武官月料錢外檢校官同中書門下平章事每月
一百二十貫文內侍省監每月四十五貫文每年約加
一十五萬五月辛亥詔自都團練使外悉罷諸州團練
六千貫文

守捉使又令諸使非軍事要急無得擅召刺史及停其職務差人權攝又定諸州兵皆有常數其召募給家糧春冬衣者謂之官健差點土人春夏歸農秋冬追集給

身糧醬菜者謂之團結自兵興以來州縣官俸給不一

重以元載王縉隨情徇私

俸扶用翻重直用翻載祖亥翻又音如字縉音晉

刺

史月給或至千緡或數十緡至是始定節度使以下至

主簿尉俸祿

縉眉巾翻使疏吏翻自是年定俸之後至于會昌則又倍之節度使三十萬都防禦

使副使監軍十五萬觀察使十萬諸府尹大都督府長史都團練使副使上州刺史八萬節度副使中下州刺

史知軍事七萬上州別駕五萬五千長史司馬五萬觀
察團練判官掌書記五萬諸大都督府司錄參軍事鵠
赤縣令四萬五千節度推官支使防禦判官上州錄事
參軍畿縣上縣令四萬諸大都督府判官赤縣丞三萬
五千觀察防禦團練推官巡官鵠赤縣丞兩赤縣主簿
尉上州功曹參軍以下上縣丞三萬畿縣丞鵠赤縣簿
尉二萬五千畿縣上縣主簿尉二萬內會昌以前其間
世有增減不可計也按類篇鵠阮切鷹二歲色新地
理志唐京兆有赤縣次赤縣諸負郭亦皆
為次赤縣鵠赤字義不可曉蓋次赤也

培多益寡上

下有叙法制粗立

粗坐五翻

庚午上遣中使發元載祖父

墓斷棺弃尸毀其家廟焚其木主戊寅卓英倩等皆杖

死英倩之用事也弟英璘橫於鄉里

璘離珍翻橫戶孟翻

及英倩

下獄

下戶嫁翻

英璘遂據險作亂上發禁兵討之乙巳金州

刺史孫道平擊擒之上方倚楊綰使釐革弊政會綰

有疾秋七月己巳薨上痛悼之甚謂羣臣曰天不欲朕

致太平何奪朕楊綰之速八月癸未賜東川節度使

鮮于叔明姓李氏

使疎吏翻

元載王縉之為相也上日賜

以內厨御饌可食十人

饌離飮翻又離晚翻食祥吏翻

遂為故事癸卯

常袞與朱泚上言餐錢已多

餐錢蓋所謂食料錢也泚且禮翻又音此上時掌翻

乞停賜饌許之袞又欲辭堂封同列不可而止

唐制堂封歲三

千六百繅興元後纔
千一百德宗尋復舊時人譏衮以為朝廷厚祿所以養

賢不能當辭位不當辭祿

朝直
遙翻

臣光曰君子恥食浮於人衮之辭祿廉恥存焉與夫

固位貪祿者不猶愈乎

扶夫音

詩云彼君子兮不素餐

兮

詩伐檀
之辭

如衮者亦未可以深譏也

楊綰常袞薦湖州刺史顏真卿

大歷元年真卿以攻元
載貶峽州別駕尋改為

吉州司馬遷撫
湖二州刺史

上即日召還

還從宣翻
又音如字

甲辰以為刑部

尚書

尚辰
羊翻

綰袞又薦淮南判官汲人闕播擢為都官員

外郎

唐部官郎掌配役隸簿錄俾因以給衣糧藥療以理訴競雪冤凡公私良賤必周知之屬刑部

九月辛酉以四鎮北庭行營兼涇原鄭穎節度使段秀

實為節度使

考異曰段公別傳曰自受鉞三五年間西鄰無烽燧之警又曰戎帥論乞力陀慕

公清德不敢侵陵我疆舊傳亦曰三四年間吐蕃不敢犯塞按是月吐蕃寇涇州十二月朱泚拒吐蕃自涇州還明年九月吐蕃逼涇州云三四年間不敢犯塞蓋史家溢美之辭耳

秀實軍令簡約有

威惠奉身清儉室無姬妾非公會未嘗飲酒聽樂吐

蕃八萬衆軍于原州北長澤監

蓋長澤川唐舊置馬監於此吐從瞰入聲下同

己巳破方渠

方渠漢縣屬北地郡後省中宗神龍三年分馬嶺置方渠縣屬慶州宋白續通典靈

州方渠鎮宋初置通遠入拔谷郭子儀使裨將李懷光
軍秦長城在城北一里

救之吐蕃退庚午吐蕃寇坊州冬十月乙酉西川節

度使崔寧奏大破吐蕃於望漢城

吐蕃築城於西山以望蜀因名望漢城使

疎吏

先是秋霖河中府池鹽多敗

河中府管下安邑解縣皆有鹽池先

悉薦

戶部侍郎判度支韓滉恐鹽戶減稅丁亥奏雨雖

多不害鹽仍有瑞鹽生

度徒洛翻滉呼廣翻宋白曰大歷初韓滉進漫生鹽以為靈瑞

後又奏

乳鹽生上疑其不然遣諫議大夫義興蔣鎮往視之

義興

漢陽羨縣地晉置義興郡及縣隋廢郡存縣以屬常州

吐蕃寇鹽夏州又寇長

武邠州宜祿縣有長武城時郭子儀遣李懷光築長武

城據原首臨涇水俯瞰通道吐蕃自是不敢輕犯宋
白曰長武鎮在鳳翔府麟遊縣界西至涇州四十里夏戶雅翻郭子儀遣將拒却之即

亮以永平軍押牙匡城劉洽為宋州刺史考異曰舊劉玄佐

傳云李靈曜據汴州洽將兵乘其無備徑入宋州按劉
昌以宋州牙門將說李僧惠歸順則是僧惠先已為靈

曜守宋州朝廷因授宋州刺史耳若僧惠未降則洽不
能得宋州已降則不敢取宋州蓋僧惠已為李忠臣所

殺洽因引兵據宋州耳舊傳欲以為洽功故云然其實非也永平軍治滑州仍以宋泗二州

隸永平軍京兆尹黎幹奏秋霖損稼韓滉奏幹不實

上命御史按視丁未還奏所損凡三萬餘頃渭南令劉

澡

渭南縣唐初屬華州時屬雍州宋白曰郭緣生述征記云渭南縣夷狄所置謂苻姚也

阿附度

支

謂阿附韓滉度徒洛翻

稱縣境苗獨不損御史趙計奏與澡同

上曰霖雨溥博豈得渭南獨無更命御史朱敖視之損

三千餘項上歎息久之曰縣令字人之官不損猶應言

損迺不仁如是乎貶澡南浦尉

後魏分胸臆縣置漁泉縣後周改曰萬川隋改

曰南浦唐帶萬州

計澧州司戶而不問滉

滉音禮滉呼廣翻

十一月

壬子山南西道節度使張獻恭奏破吐蕃萬餘衆于岷

州

使疎吏翻吐從噉入聲

丙辰蔣鎮還奏言瑞鹽實如韓滉所

言仍上表賀

還從宣翻如字上時掌

又音翻

請宣付史臣錫以嘉名上

從之賜號寶應靈應池

賜號者安邑池也

時人醜之

十二月

丙戌朱泚自涇州還京師

朱泚自幽州入朝遂留京師因遣防秋而還還從宣翻又

音如字

丁亥崔寧奏破吐蕃十餘萬衆斬首八千餘級

吐從瞰入聲

庚子以朱泚兼隴右節度使知河西澤潞行

營平盧節度使李正己先有淄青齊海登萊沂密德

棣十州之地及李靈曜之亂諸道合兵攻之所得之地

各為己有正己又得曹濮徐兗鄆五州因自青州徙治

鄆州使其子前淄州刺史納守青州

濮博木翻鄆音運考異曰實錄此

年二月丙戌以納為青州刺史充淄青留後至此又云為青州刺史舊正已傳云正已自青州徙居鄆州使子納及腹心之將分理其地納傳云正已擊田承嗣署奏留後尋遷青州刺史今從之正已用刑嚴

峻所在不敢偶語然法令齊一賦均而輕擁兵十萬雄

據東方鄰藩皆畏之是時田承嗣據魏博相衛洛貝澶

七州

澶州漢東郡頓丘縣地隋開皇十六年分頓丘置澶淵縣唐改曰澶水避高祖諱也武德四年分黎

州之澶水魏州之頓丘觀州置澶州貞觀元年州廢大歷七年田承嗣表以魏州之頓丘臨黃復置澶州嗣祥

吏翻相息亮翻洛音名澶時連翻

李寶臣據恒易趙定深冀滄七州各

擁衆五萬梁崇義據襄鄧均房復郢六州有衆二萬相

與相根據蟠結雖奉事朝廷而不用其法令

恒戶登翻朝直遙翻

官爵甲兵租賦刑殺皆自專之上寬仁一聽其所為朝

廷或完一城增一兵輒有怨言以為猜貳常為之罷役

為干偽翻而自於境內築壘繕兵無虛日以是雖在中國名

藩臣而實如蠻貊異域焉

十三年春正月辛酉勅毀白渠支流碾磴以溉田

碾尼展翻

磴五對翻磨也公輸班作磴後人又激水為之不煩人力引水激輪使自旋轉謂之水磨史炤曰碾磨也磴磴

也昇平公主有二磴入見於上請存之

見賢通鑑

上曰吾欲

以利蒼生汝識吾意當為衆先公主即日毀之戊辰

回紇寇太原河東押牙泗水李自良曰

紇下沒都押牙度使置都押牙

牙前重職也即今制置使司帳前都提舉之職泗水縣屬兗州漢之下縣也隋時分西界為汶陽縣於下縣古城置泗水縣回紇精銳遠來求鬪難與爭鋒不如築二壘於

歸路以兵戍之虜至堅壁勿與戰彼師老自歸乃出軍

乘之二壘抗其前大軍蹙其後無不捷矣留後鮑防不

從遣大將焦伯瑜等逆戰癸酉遇虜於陽曲

將即亮翻宋白曰陽

曲漢舊縣後漢末移於太原北四十五里後魏南移於陽曲故城隋改曰陽直又移於汾陽故城改曰汾陽縣

因漢汾陽縣名也煬帝又改陽直移理木井城今縣是也大敗而還死者萬餘人回

紇縱兵大掠二月代州都督張光晟擊破之於羊武谷

還從宣翻又音如字紇下沒翻晟成乃引去上亦不問

回紇入寇之故待之如初已亥吐蕃遣其將馬重英

帥衆四萬寇靈州吐從瞰入聲奪填漢御史尚書三渠

水口以弊屯田史昭曰三渠謂填漢渠御三月甲戌

回紇使還過河中朔方軍士掠其輜重朔方軍士之留

吏翻過古禾翻又古臥
翻輜莊持翻重直用翻

因大掠坊市 夏四月甲辰吐

蕃寇靈州朔方留後常謙光擊破之 六月戊戌隴右

節度使朱泚獻猫鼠同乳不相害者以為瑞

泚且禮翻
又音此乳

如住
翻

常袞帥百官稱賀

帥讀
曰率

中書舍人崔祐甫獨不賀

曰物反常為妖猫捕鼠乃其職也今同乳妖也

妖於
驕翻何

乃賀為宜戒法吏之不察奸邊吏之不禦寇者以承天

意上嘉之祐甫沔之子也

崔沔開元名臣沔彌兖翻

秋七月以祐甫

知吏部選事祐甫數以公事與常袞爭由是惡之

為袞
奏貶

祐甫張本選須絹翻
數所角翻惡鳥路翻

戊午郭子儀奏以回紇猶在塞

上邊人恐懼請遣邠州刺史渾瑊將兵鎮振武軍

邠卑

瑊古咸翻將即亮翻又音如字振武軍在單于都護府
城內秦漢之雲中郡城也宋白曰振武軍即漢定襄郡

之盛樂縣也在陰山從之回紇始去 辛未吐蕃將馬重

英二萬衆寇鹽慶二州

重直

郭子儀遣朔方都虞候李

懷光擊却之 八月乙亥成德節度使李寶臣請復姓

張許之

寶臣賜姓見二百二十二
卷寶應元年使疏吏翻

吐蕃二萬衆寇銀

麟州略党項雜畜

吐從瞰入聲銀州漢西河郡固陰縣
地麟州漢新秦中之地党底朗翻畜

許救

郭子儀遣李懷光擊破之上悼念貞懿皇后不

已

貞懿皇后獨孤妃也十年薨

殯于內殿累年不忍葬于

莊陵

莊陵在京兆三原縣西北五里

九月庚午吐蕃萬騎下青石嶺

逼涇州

青石嶺在涇州保定縣西宋白曰臨涇城直涇州西北九十里其界有青石嶺騎寄翻詔

郭子儀朱泚與段秀實共却之冬十二月丙戌以吏

部尚書轉運鹽鐵等使劉晏為左僕射知三銓及使職

如故

尚辰羊翻射寅謝翱歐陽修曰凡選有文武文選吏部主之武選兵部主之皆為三銓尚書侍郎分

主之尚書掌其一侍郎分其二

郭子儀入朝命判官京兆杜黃裳主

留務李懷光陰謀代子儀矯為詔書欲誅大將溫儒雅

等黃裳察其詐以詰懷光

朝直遙翻將即亮翻詰去吉翻

懷光流汗服

罪於是諸將之難制者黃裳矯子儀之命皆出之於外

軍府乃安以給事中杜亞為江西觀察使上召江西

判官李泌入見

泌毗必翻李泌出佐江西見上卷五年見賢遍翻

語以元載事

曰與卿別八年乃能誅此賊賴太子發其陰謀

此歸功於太子

耳語牛倨翻

不然幾不見卿對曰臣昔日固嘗言之陛下知

羣臣有不善則去之

幾居依翻去羗呂翻

舍容太過故至於此上

曰事亦應十全不可輕發上因言朕面屬卿於路嗣恭

屬之欲翻

而嗣恭取載意奏卿為虔州別駕嗣恭初平嶺南

獻琉璃盤徑九寸朕以為至寶及破載家得嗣恭所遺

載琉璃盤徑尺

遺于李翻程大昌曰漢西域傳屬國有琥珀流離師古注曰魏略云大秦國

出赤白黑黃青綠縹紺紅紫十種流離此蓋自然之物采澤光潤踰于衆玉今俗所用皆消冶石汁加以衆藥

灌而為之虛脆不耐實非真物案流離今書附玉旁為琉璃字師古之記是矣亦未得其詳也穆天子傳天子

東征有采石之山凡好石之器於是出升山取采石鑄以成器注云采石文采之石也則鑄石為器古有之矣

顏氏謂為自然之物恐不詳也北史大月氏傳魏太武時月氏人商販京師自云能鑄石為五色琉璃於是采礦

於山中卽京師鑄之既成光澤乃美於西方來者自是琉璃遂賤由此言推之則雖西域琉璃亦用石鑄無自真琉瑯也然中國所鑄有與西域異者鑄之中國色甚光鮮而質則輕脆沃以熱酒隨手破裂其來自海舶者制差鈍樸而色亦微暗其可異者雖百沸湯注之與磁銀無異了不復動是名蕃琉瑯也蕃琉瑯之異於中國其別蓋如此而未嘗聞以石琢之也余謂路嗣恭所獻者蓋師古所謂大秦琉瑯自然之物否則代宗何以謂之至寶哉程大昌考之不詳耳 俟其至當

與卿議之泌曰嗣恭為人小心善事人畏權勢精勤吏

事而不知大體昔為縣令有能名路嗣恭始名劍客為蕭闕令連徙神烏姑

臧二縣考績為天下最立宗以為可嗣漢魯恭因賜名陛下未暇知之而為載所

用故為之盡力陛下誠知而用之彼亦為陛下盡力矣

為之亦為
于偽翻

虔州別駕臣自欲之非其罪也且嗣恭新立

大功

即謂平嶺
南之功

陛下豈得以一琉璃盤罪之邪上意乃

解以嗣恭為兵部尚書

邪音耶尚
辰羊翻

郭子儀以朔方節

度副使張曇性剛率謂其以武人輕已銜之

曇徒舍翻
銜戶織翻

孔目官吳曜為子儀所任

諸鎮州皆有孔目官以綜理
眾事吏職也言一孔一目皆

所綜
理也

因而構之子儀怒誣奏曇扇動軍眾誅之掌書記

高郢力爭之子儀不聽奏貶郢猗氏丞

猗氏縣屬河中
府宋白曰本郇

國地倚類於此起富故曰倚氏

既而僚佐多以病求去子儀悔之悉薦

之於朝曰吳曜誤我遂逐之

史言郭子儀過而能改朝直遙翻

常袞

言於上曰陛下久欲用李泌

泌昆必翻

昔漢宣帝欲用人為

公卿必先試理人請且以為刺史使周知人間利病俟

報政而用之

太公治齊五月而報政伯禽治魯三年而報政常袞用此語也

十四年春正月壬戌以李泌為澧州刺史

澧音禮

二月

癸未魏博節度使田承嗣薨

使疏吏翻嗣祥吏翻

有子十一人以

其姪中軍兵馬使悅為才使知軍事而諸子佐之甲申

以悅為魏博留後

為田緒殺
悅張本

淮西節度使李忠臣貪

殘好色將吏妻女美者多逼淫之悉以軍政委妹壻節

度副使張惠光惠光挾勢暴橫軍州苦之忠臣復以惠

光子為牙將暴橫甚於其父

好呼到翻橫戶孟翻
復扶又翻將即亮翻

左廂

都虞候李希烈忠臣之族子也為眾所服希烈因眾心

怨怒三月丁未與大將丁暲等

暲古
老翻

殺惠光父子而逐

忠臣忠臣單騎奔京師

騎奇
寄翻

上以其有功

吐蕃寇京師
忠臣先諸鎮

赴援又有平使以檢校司空同平章事留京師以希烈
李靈曜之功

為蔡州刺史淮西留後

為李希烈以淮蔡畔援張本

以永平節度使

李勉兼汴州刺史增領汴潁二州徙鎮汴州

永平軍本治滑州汴

皮變翻

辛酉以容管經略使王翊為河中少尹知府事

河東副元帥留後部將凌正暴橫翊抑之

使疏吏翊始

照翻帥所類翊將即亮翻橫戶孟翻

正與其徒乘夜作亂翊知之故縮漏

水數刻以差其期賊驚潰走擒正誅之軍府乃安 成

德節度使張寶臣既請復姓

去年寶臣請復姓張

又不自安更請

賜姓夏四月癸未復賜姓李

復扶又翻

五月癸卯上始有

疾辛酉制皇太子監國

監古銜翻

是夕上崩于紫宸之內殿

上年五十二紫宸殿在東內宣政殿之北蓬萊殿之南

遺詔以郭子儀攝冢宰癸

亥德宗即位諒陰中動遵禮法嘗召韓王迴食

迴德宗弟

也食馬齒羹不設鹽酪

馬齒覓也酪音洛乳酪也

常袞性剛急為

政苛細不合衆心時羣臣朝夕臨

臨力鵠翻哭也

袞哭委頓從

吏或扶之

從才用翻

中書舍人崔祐甫指以示衆曰臣哭君

前有扶禮乎袞聞益恨之會議羣臣喪服袞以為禮臣

為君斬衰三年

為于偽翻袞倉回翻

漢文權制猶三十六日

事見十五

卷前漢文
帝後七年

高宗以來皆遵漢制及玄宗肅宗之喪始服

二十七日今遺詔云天下吏人三日釋服古者卿大夫

從君而服皇帝二十七日而除在朝羣臣亦當如之祐

甫以為遺詔無朝臣庶人之別

朝直遙翻下同別彼列翻

朝野內外

莫非天下凡百執事孰非吏人皆應釋服相與力爭聲

色陵厲袞不能堪乃奏祐甫率情變禮請貶潮州刺史

上以為太重閏月壬申貶祐甫為河南少尹初肅宗之

世天下務殷宰相常有數人更直決事

更工衡翻

或休沐各

歸私第詔直事者代署其名而奏之自是踵為故事時

郭子儀朱泚雖以軍功為宰相皆不預朝政袞獨居政事

堂

唐初政事堂在門下省裴炎自侍中遷中書令乃徙政事堂於中書省三省長官議事於此

代二

人署名奏祐甫祐甫既貶二人表言其非罪上問卿向

言可貶今云非罪何也二人對初不知上初即位以袞

為欺罔大駭甲辰百官袞經序立于月華門

程大昌曰按六典宣政殿

前有兩廡兩廡各自有門其東曰日華日華之東則門下省也西廊有門曰月華月華之西則中書省也袞倉

翻有制貶袞為潮州刺史

潮州去京師五千許里

以祐甫為門下

侍郎同平章事聞者震悚祐甫至昭應而還

昭應縣本新豐縣垂

拱二年改曰應山神龍元年復故名玄宗更名昭應隋新豐治古新豐城北天寶昭應縣治昭應宮北還從宣翻

又音如字既而羣臣喪服竟用袞議上時居諒陰庶政皆委

於祐甫所言無不允初至德以後天下用兵諸將競論

功賞故官爵不能無濫及永泰以來天下稍平而元載

王縉秉政四方以賄求官者相屬於門

將即亮翻論魯昆翻載祖亥翻

又音如字縉音晉屬之欲翻

大者出於載縉小者出於卓英倩等皆

如所欲而去及常袞為相思革其弊杜絕僥幸四方奏

請一切不與而無所甄別賢愚同滯

相息亮翻僥堅堯翻甄稽延翻

察也別彼列翻

崔祐甫代之欲收時望推薦引拔常無虛日作

相未二百日除官八百人

考異曰舊紀云祐甫作相未逾年凡除吏幾八百員多

稱允當今從建中實錄

前後相矯終不得其適上嘗謂祐甫曰人

或謗卿所用多涉親故何也對曰臣為陛下選擇百官

為于偽翻

不敢不詳慎苟平生未之識何以諳其才行而用

之

諳烏舍翻行下孟翻下同

上以為然

臣光曰臣聞用人者無親疎新故之殊惟賢不肖之

為察其人未必賢也以親故而取之固非公也苟賢矣以親故而捨之亦非公也夫天下之賢固非一人所能盡也若必待素識熟其才行而用之所遺亦多

矣

夫音扶行
下孟翻

古之為相者則不然舉之以衆取之以

公衆曰賢矣已雖不知其詳姑用之待其無功然後退之有功則進之所舉得其人則賞之非其人則罰之進退賞罰皆衆人所共然也已不置豪髮之私於其間苟推是心以行之又何遺賢曠官之足病哉

詔罷省四方貢獻之不急者又罷梨園使及樂工三百

餘人

使疏吏翻梨園事始二百一十一卷玄宗開元二年程大昌曰梨園在光化門北光化門者禁苑南

面西頭第一門

所留者悉隸太常

郭子儀以司徒中書令領

河中尹靈州大都督單于鎮北大都護關內河東副元

帥朔方節度關內支度鹽池六城水運大使押蕃部及

營田及河陽道觀察等使

河中靈夏皆有鹽池朔方塞下有六城單音蟬帥所類翻

使疏吏翻

權任既重功名復大

復扶又翻

性寬大政令頗不肅代

宗欲分其權而難之久不決甲申詔尊子儀為尚父公太

望為周師尚父說者謂
可尚可父天子師也

加太尉兼中書令增實封滿二

千戶月給一千五百人糧二百馬食子弟諸壻遷官者

十餘人所領副元帥諸使悉罷之以其裨將河東朔方

都虞候李懷光為河中尹邠寧慶晉絳慈隰節度使以

朔方留後兼靈州長史常謙光為靈州大都督西受降

城定遠天德鹽夏豐等軍州節度使振武軍使渾瑊為

單于大都護東中二受降城振武鎮北綏銀麟勝等軍

州節度使分領其任

將即亮翻邠卑旻翻長知兩翻降
戶江翻夏戶雅翻渾戶昆翻又戶

本翻
古成翻

丙戌詔曰澤州刺史李鶚

鶚鳥諫翻

上慶雲圖

上時

掌翻
上言同得

朕以時和年豐為嘉祥以進賢顯忠為良瑞

如卿雲靈芝珍禽奇獸怪草異木何益於人

卿雲即布

告天下自今有此無得上獻內莊宅使上言諸州有官

租萬四千餘斛上令分給所在充軍儲先是諸國屢獻

馴象凡四十有二

令力丁翻
先悉薦翻

上曰象費豢養而違物性

將安用之命縱於荆山之陽

此禹貢所謂導沂及岐至于荆山者也唐屬京兆富

平縣

及豹狃闕雞獵犬之類悉縱之

狃似豹無前足音女滑翻史炤曰狃

似狸蒼黑無前足善捕鼠

又出宮女數百人於是中外皆悅淄青軍

士至投兵相顧曰明主出矣吾屬猶反乎

淄莊持翻

戊子

以淮西留後李希烈為節度使

使疏吏翻

辛卯以河陽鎮

遏使馬燧為河東節度使河東承百井之敗

謂去年鮑防之敗也

按東都事略張齊賢傳柏井在并州城北四十里宋朝徙并州城於陽曲縣

騎士單弱燧悉

召牧馬廐役得數千人教之數月皆為精騎

騎奇寄翻

造甲

必為長短三等稱其所衣

稱尺證翻衣於既翻

以便進趨又造戰

車行則載兵甲止則為營陳或塞險以遏奔衝

陳讀曰陣塞悉

則

器械無不精利居一年得選兵三萬辟兗州人張建

封為判官署李自良代州刺史委任之 兵部侍郎黎

幹狡險諛佞與宦官特進劉忠翼相親善忠翼本名清

譚恃寵貪縱二人皆為衆所惡

惡鳥路

時人或言幹忠翼

嘗勸代宗立獨孤貴妃為皇后妃子韓王迴為太子上

即位幹密乘輦詣忠翼謀事事覺丙申幹忠翼並除名

長流至藍田賜死 以戶部侍郎判度支韓滉為太常

卿以吏部尚書劉晏判度支

度徒洛翻滉呼廣翻尚辰羊翻

先是晏滉

分掌天下財賦

先悉薦翻大歷六年韓滉判度支分掌財賦當在此時

晏掌江南

山南江淮嶺南滉掌關內河東劍南至是晏始兼之上

素聞滉培克過甚

培蒲侯翻

故罷其利權尋出為晉州刺史

晉州治臨汾縣古平陽也京師東北七百二十五里

至德初第五琦始權鹽以佐

軍用

事見二百一十九卷至德元載琦音奇權古岳翻

及劉晏代之法益精密

初歲入錢六十萬緡末年所入逾十倍而人不厭苦大

歷末計一歲所入總一千二百萬緡

緡眉巾翻

而鹽利居其

大半以鹽為漕傭自江淮至渭橋

此東渭橋也

率萬斛傭七千緡自

淮以北列置巡院擇能吏主之不煩州縣而集事 六

月己亥朔赦天下 西川節度使崔寧永平節度使李

勉並同平章事

使疏
吏翻

詔天下寃滯州府不為理

偽翻
為于

聽詣三司使

所謂三司使即御史中丞中書省舍人門
下省給事中丞也三人者各以一司官來朝

堂受詞故謂之三司非五代時理財之三司使也

以中丞舍人給事中各一人

日於朝堂受詞推決尚未盡者聽撾登聞鼓

唐時登聞鼓在西朝

堂之前撾側瓜翻

自今無得復奏置寺觀

復扶
又翻

及請度僧尼於

是撾登聞鼓者甚衆右金吾將軍裴諝上疏

諝私
呂翻

以為

訟者所爭皆細故若天子一一親之則安用吏理乎上

乃悉歸之有司制應山陵制度務從優厚當竭帑藏以

供其費

帑他朗翻
藏徂浪翻

刑部員外郎令狐峘上疏諫

令力丁
翻峘胡

登翻上
時掌翻

其略曰臣伏讀遺詔務從儉約若制度優厚豈

顧命之意邪

邪音耶

上答詔略曰非唯中朕之病

中竹
仲翻抑

亦成朕之美敢不聞義而徙峘德棻之玄孫也

令狐德
棻事太

宗棻扶
分翻

庚子立皇子誦為宣王謨為舒王湛為通王

諒為虔王詳為肅王乙巳立皇弟廼為益王傀為蜀王

譔氏壬翻傀儡口猥翻又公
回翻皆以州名為王國名

丙午舉先天故事六品以

上清望官雖非供奉侍衛之官日令二人更直待制以

備顧問

新志曰初太宗即位命京官五品以上更宿中書門下兩省以備訪問永徽中命弘文館學士

一人日待制於武德殿西門文明元年詔京官五品以上清官日一人待制于章善明福門先天末又命朝集使六品以上隨仗待制永泰時勲臣罷節制無職事皆待制于集賢門凡十三人崔祐甫為相建議文官一品以下更直待制其後著令正衙待制官日二人宋白日時祐甫奏准元敕文官一品以下更直待制其待制官待奏事官盡然後趨出便於內廊賜待進止至酉時然後放令力丁翻更工衙翻下同

庚戌以朱

此為鳳翔尹

泚且禮翻又音此

代宗優寵宦官奉使四方者不

禁其求取嘗遣中使賜妃族還問所得頗少

使疎吏翻還從宣翻

又音如字少詩沼翻

代宗不悅以為輕我命妃懼遽以私物償之

由是中使公求賂遺無所忌憚

遺于李翻

宰相嘗貯錢於閣中

每賜一物宣一旨無徒還者

相息亮翻貯丁呂翻

出使所歷州縣

移文取貨與賦稅同皆重載而歸上素知其弊遣中使

邵光超賜李希烈旌節希烈贈之僕馬及縑七百匹黃

茗二百斤

茗莫迴翻茶之晚取者

上聞之怒杖光超六十而流之

於是中使之未歸者皆潛弃所得於山谷雖與之莫敢

受甲子以神策都知兵馬使右領軍大將軍王駕鶴

為東都園苑使

東都園苑使唐初苑總監之職也

以司農卿白琇珪代

之

琇珪救翻

更名志貞駕鶴典禁兵十餘年權行中外上恐

其生變崔祐甫乃駕鶴與語留連久之琇珪已視事矣

李正己畏上威名表獻錢三十萬緡上欲受之恐見

欺却之則無辭崔祐甫請遣使慰勞淄青將士

使疏吏翻勞力

到翻將即亮翻

因以正己所獻錢賜之使將士人人戴上恩又

諸道聞之知朝廷不重貨財上悅從之正己大慙服天

下以為太平之治庶幾可望焉

治直吏翻
幾居衣翻

秋七月戊

辰朔日有食之

禮儀使吏部尚書顏真卿上言上元

中政在宮壺始增祖宗之謚

尚辰羊翻上時掌翻壺若
本翻宮中道也按咸亨五

年八月十五日改元上元是日追尊
高祖太宗政在宮壺謂武后專政也

玄宗末姦臣竊命

累聖之謚有加至十一字者

按天寶十三載加祖宗謚
號并廟號皆為九字而羣

臣上玄宗尊號凡十四字未知顏真卿
所謂加至十一字何帝也謚神至翻

按周之文武言

文不稱武言武不稱文豈盛德所不優乎蓋羣臣稱其

至者故也故謚多不為褒少不為貶

少始
紹翻今累聖謚號

太廣有踰古制請自中宗以上皆從初謚

初謚高祖太武皇帝太宗

文皇帝高宗天皇大帝中宗孝和皇帝

睿宗曰聖真皇帝玄宗曰孝明皇

帝肅宗曰宣皇帝以省文尚質正名敦本上命百官集

議儒學之士皆從真卿議獨兵部侍郎袁倬

倬昌舍翻又七感翻

官以兵進奏言陵廟玉冊本主皆已刊勒不可輕改事

遂寢不知陵中玉冊所刻乃初謚也

按唐陵中玉冊自肅宗聖真皇帝以

上所刻皆初謚然玄宗謚冊曰至道大聖大明孝皇帝肅宗謚冊曰文明武德大聖大宣孝皇帝袁倬所謂木

主玉冊皆已刊勒有見乎此耳

初代宗之世事多留滯四夷使者及

四方奏計或連歲不遣乃於右銀臺門

使疏吏翻右銀臺門在東內宮

城西面又北則九仙門

置客省以處之

處昌呂翻

及上書言事失職未

叙亦寘其中動經十歲常有數百人并部曲畜產動以

千計度支廩給其費甚廣

度徒洛翻

上悉命疏理拘者出之

事竟者遣之當叙者任之歲省穀萬九千二百斛 壬

申毀元載馬璘劉忠翼之第

載祖亥翻又音如字璘離珍翻

初天寶中

貴戚第舍雖極奢麗而垣屋高下猶存制度然李靖家

廟已為楊氏馬廐矣及安史亂後法度墮弛

墮讀日隳

大臣

將帥競治第舍各窮其力而後止時人謂之木妖

將即亮翻

帥所類翻治直之翻妖於驕翻

上素疾之故毀其尤者仍命馬氏獻其

園隸宮司

宮司掌宮禁園籙者也

謂之奉成園

雍錄奉成園在安邑坊自丹鳳門南

出東街第六坊為安邑坊

癸丑減常貢宮中服用錦千匹服玩數

千事 庚辰詔回紇諸胡在京師者各服其服無得效

華人先是回紇留京師者常千人

紇下沒翻先悉薦翻

商胡偽服

而雜居者又倍之縣官日給饔餼

熟曰饔生曰餼饔許既翻

殖貲產

開第舍市肆美利皆歸之日縱貪橫

橫戶

孟翻

吏不敢問或

衣華服

衣於既翻華服中華之服也

誘取妻妾故禁之

誘羊翻

辛卯

罷天下榷酒收利

唐初無酒禁乾元元年京師酒貴肅宗以廩食方絀乃禁京師酤酒期以

麥熟如初二年饑復禁酤廣德二年定天下酤戶以月收稅榷古岳翻

上之在東宮也

國子博士河中張涉為侍讀

太宗時晉王府有侍讀及為太子亦置焉

即位

之夕召涉入禁中事無大小皆咨之明日置於翰林為

學士

翰林故事曰翰林院者在銀臺門內以藝能伎術召見者之所處也玄宗初置翰林待詔掌四方表

疏批答應和文章又以詔勅文語悉由中書多壅滯始選朝官有才藝學識者入居翰林供奉別旨然亦未定

名制詔書敕猶或分在集賢開元二十六年始以翰林供奉改稱學士別建學士院於翰林院之南俾專內命

其後又置東翰林院於金鑾殿之西隨上所在凡學士
無定員下自校書郎上及諸曹尚書皆為之入院一歲
則遷知制誥未知制誥者不
作文書久次者一人為承旨
親重無比
為張涉以賦
賄得罪張本
乙

未以涉為右散騎常侍仍為學士

散悉亶翻
騎奇寄翻

資治通鑑卷二百二十五